





門木加4  
778  
卷1-4

同治丁丑葉

# 疊雅

止園蔭板

## 自序

自爾雅一書列於學宮如漢孔鮒之小爾雅魏張揖之廣雅  
 宋陸佃之埤雅明朱謀埠之駢雅我朝方以智吳玉搢之  
 通雅別雅接踵而起雖其著書之意各有所主要皆爾雅之  
 支流學海之津筏也惟是形容之妙每用重言名物之稱尤  
 多複字爾雅廣雅釋訓中雖或及之然止寥寥數則未克詳  
 備他若升菴輯複字不免臆造之嫌密之詰重言止明通轉  
 之義索其於經史子集及諸家注疏之用疊字者廣為搜羅  
 詳加疏證至今未見專書豈非菽林一大歉哉余抱甕之暇  
 流覽往籍輯成疊雅十三卷竊附於諸雅之後諸雅所已載





者旁搜以參其異同諸雅所未及者博採以考其源委字異而義同則彙歸一部文同而解異則別立一條或音義相通彼此錯見則別其字如別雅之別通其義如通雅之通特以見聞固陋挂漏良多世之博雅君子如官增而廣之匡其不逮其卽以此爲葦路之先驅也可

軒  
同治甲子仲秋之月竹素園丁史夢蘭香厓氏自識於靜怡軒

凡例

爾雅分十九類廣雅因之至埤雅駢雅通雅遂分合增損各自爲例別雅則暗以韻分而不標韻目從其省也是書鱗次編輯例仿爾雅不復顯分門類亦猶別雅之志耳  
郭璞註爾雅每有疑義輒云未詳蓋以後人註古人之書或古籍云亡無從徵引遂不能得其指歸而強作解事者又不免傳會穿鑿之病茲編自爲疏證詳列書名冀有舛譌挂漏之處便於改補

古人用字不拘如本書作某某書引作某某之類字則異而義則同抑或音義不同久經借用如某某作某某之類亦



不得概以陶陰烏焉斥之故聊加案語一例引入

引證以經爲首史次之子集又次之史子集中引用經語閒於每條下附著一二以廣文藻如史與子集則以書出之先後爲準史在先則引史而子集之語附之子集在先則引子集而史語附之總以溯其本源無使凌亂

訓詁之學因文起義各有師承有相近者有相懸者有以後補前者有以此駁彼者茲編主於博引凡遇文同而解異者必兼收分載以廣見聞

前人注書多不載篇名世代後人互相稗販意爲增減以致輾轉沿譌無從檢對茲編所引悉據原書經子必詳何篇史乘必詳何傳何志詩文必詳何題與作者何代不敢少有含混斷可徵信不致貽誤來者

每則末標一語仿爾雅之遺凡遇字之音義相同者於注中連類徵引先將通同之字以小字雙行附書於所標正文之下以清麁目使閱者望而知之然後尋繹其注若音義相近各有所重亦不敢妄爲牽引

卷中凡遇僻字或一字數音者必加反切原注有者仍之無者補之

古今用韻不同凡遇複字之用叶音者必詳列上下韻以見通叶之義且爲註明何爲本音何爲叶音若叶音無關複字



自有諸韻書辨之茲不多贅

人之用雙名者無關義蘊平日輯有男婦雙名錄一卷本擬  
別行因與此書相似故附於十三卷之末非敢自亂體例也  
閱者諒之

疊雅卷一

樂亭 史夢蘭 香厓

巖巖 品品品品 峩峩 砢砢 隗隗 既既 漸漸 嶄嶄 嶢嶢 鬼鬼 岌岌

崇崇 潼潼 揭揭 嶷嶷 遠遠 亭亭 停停 茗茗 茗茗 迢迢 嶢嶢 堯堯 翹翹

鏘鏘 鏘鏘 列列 烈烈 律律 律律 業業 業業 從從 縱縱 子子 樅樅 首首 顛顛

峻峻 將將 鏘鏘 卓卓 連連 繹繹 磴磴 唯唯 崔崔 魄魄 魄魄 礲礲 頤頤

頤頤 屹屹 孱孱 顏顏 峭峭 顛顛 叩叩 昂昂 藏藏 臧臧 嶒嶒 落落 峻峻

嶷嶷 嶷嶷 崩崩 崖崖 巘巘 礧礧 危危 掀掀 岑岑 崟崟 嶷嶷 嶷嶷 嶷嶷

去 圭 坻 坻 高 也

詩小雅維石巖巖毛傳巖巖積石貌廣雅巖巖高也通作



皇牙卷一  
一  
岳漢張衡思平賦冠岳岳其映蓋文選李善註岳五咸切  
李周翰註岳岳高貌岳亦作崑漢劉歆遂初賦巨石破之  
崑崑俗作岩唐賈餗仙人掌賦勢孤聳於岩岩陳球碑礧  
礧猶嶽巖巖作礧礧列子湯問篇峩峩兮若泰山楚辭  
劉向九歎冠浮雲之峩峩王逸註峩峩高貌峩通作礧唐  
羅讓高祖受命賦礧礧岌岌案此佩文韻府所引全唐文  
不載此文漢傅毅七激積雪泚泚中夏不流案其文義泚  
泚猶峨峨也古人用字假借多此類晉僧支遁詠懷詩  
隗隗形崖頽隗與阢通釋名危阢也阢阢不固之言也廣  
雅阢阢高也詩小雅漸漸之石維其高矣毛傳漸漸山

石高峻漸音鑣子貢詩說作嶄嶄唐杜牧杜秋詩嶄嶄整  
冠珮廣雅嶄嶄高也說文礧礧石也徐曰詩漸漸之石當  
作此字士銜反唐韓愈酬司門盧雲夫詩倚天更覺青  
巉巉古豔歌南山石鬼鬼廣雅鬼鬼高也離騷高余  
冠之岌岌王逸註岌岌高貌案廣雅岌岌盛也盛亦從高  
起義漢班彪北征賦望通天之崇崇文選李周翰註崇  
高也宋玉高唐賦沫潼潼而高厲文選李善註潼潼高  
貌楚辭劉向九歎貌揭揭以巍巍王逸註揭揭高貌也  
唐韓愈處州孔子廟碑揭揭元哲有師之尊史記帝嚳  
紀其德嶷嶷註嶷嶷德高也楚辭王褒九懷過萬首兮嶷



嶷漢王延壽魯靈光殿賦揚遠遠而騰湊文選李善註  
崔駰七依曰夏屋遠遠高也音渠水經瓠子河注雷澤  
西南有小山亭亭傑峙謂之厯山又河水注虎牢西北  
隅有小城列觀臨河茗茗孤上漢張衡西京賦干雲霄而  
上達狀亭亭以茗茗文選薛綜註亭亭茗茗高貌案茗茗  
六臣本作岩岩從山五臣作迢迢魏母丘儉承露盤賦迢  
迢迢以秀峙又仙掌岩岩零露是集亭亦通作停唐梁高  
望雲居寺石浮屠銘停停淨域峩峩給園漢書揚雄傳  
直嶢嶢以造天師古註嶢嶢高貌釋名山多小石曰礧  
礧堯也每石堯堯獨處而出見也說文堯高也從垚在兀

上高遠也白虎通義堯猶堯堯也詩周南翹翹錯薪疏  
翹翹高貌漢張衡西京賦檜桴重棼鏘鏘列列文選李  
善註鏘鏘列列皆高貌鏘與粵通亦作𦉳張衡思平賦冠  
𦉳𦉳其映蓋後漢書註𦉳音五各反一作岌並冠高貌也  
文選作岳岳列與烈通詩小雅南山烈烈朱傳烈烈高大  
貌又小雅南山律律毛傳律律猶烈烈也律與律通  
晉何晏景福殿賦峨峨業業罔識所届文選呂向註峨峨  
業業高貌業業通業詩大雅四牡業業毛傳言高大也禮  
檀弓南宮縚之妻之姑之喪夫子誨之髻曰爾毋從從爾  
鄭註從從謂太高從音總儀禮士喪禮注作縱縱詩鄘



風子子干旌朱傳子子特出之貌 又大雅虞業維樅毛  
傳樅崇牙也朱傳業上懸鐘磬處以綵色爲崇牙其狀樅  
樅然者也宋黃庭堅晚泊長沙詩宰木已樅樅 鬻子昔  
者五帝之治天下也其道昭昭若日月之明然若以晝代  
夜然故其道首首然案此言首在上昂昂示人猶頽爲尪  
骨常在面上頽頽然也說文頽權也徐曰莊子曰其頽頽  
頽塊然也權雖反 唐孟郊至孝義渡詩嵩少玉峻峻  
漢張衡東京賦立應門之將將文選呂向註將將高貌又  
思平賦踰高閣之鏘鏘後漢書註鏘鏘高貌文選作將將  
楚辭嚴忌哀時命處卓卓而日遠王逸註卓卓高貌卓

一作連遠一作高洪興祖補註連音卓 漢揚雄甘泉賦  
迺望通天之繹繹文選李周翰註繹繹高貌 漢王延壽  
魯靈光殿賦汨磴磴以璀璨文選李善註磴磴高貌後漢  
書馬融傳峩峩磴磴鏘鏘唯唯註並高峻貌案字書無唯  
字當卽崔字詩齊風南山崔崔毛傳崔崔高大也 晉左  
思吳都賦魄魄魄魄文選張銑註皆山石貌魄魄胡罪反魄  
力罪反 唐韓愈別知賦山礲礲而相軋礲與礲同集韻  
山高貌 又韓愈平淮西碑頽頽蔡城原註頽頽同柳宗  
元平淮夷雅歌無恃頽頽 又黃滔福州報恩定光多寶  
塔碑記屹屹巖巖孱孱顏顏屹魚訖切正字通屹山獨立



壯武貌漢書司馬相如大人賦註孱顏卽巉巖 又劉蛻

文冢銘序峭峭爲壁峭音俏集韻嶮也 元包經需頁顛

顛聰困困頁奚結切音纒說文頁頭也顛頂也玉篇山頂

曰顛元包經蹇齜困困尸顛顛尸五割切音薛說文岸高

也 漢枚乘七發顛顛叩叩文選李善註波高貌荀子賦

篇叩叩兮天下之咸蹇也楊倞註叩叩高貌與昂同楚辭

下居宜昂昂若千里之駒乎王逸註昂昂志行高也周禮

地官保氏註軍旅之容闕闕仰仰釋文仰五剛反亦作叩

關尹子三極篇所謂聖人之道者胡爲子子爾胡爲徹

徹爾胡爲堂堂爾胡爲臧臧爾通雅云唐唐臧臧猶堂堂

藏藏也今人語或作昂昂藏藏水經淇水注石壁崇高昂

藏隱天 漢揚雄甘泉賦擻北極之嶸嶸漢書注晉灼曰

嶸嶸概擻貌師古曰言高臺特出乃至北極其狀竦峭嶸

嶸然也文選張銑註嶸嶸峻秀貌 晉孫綽遊天台山賦

蔭落落之長松文選呂延濟註落落松高貌北周庾信謝

趙王示新詩啟落落詞高 梁江淹赤虹賦錯龜鱗之峻

峻又去故鄉賦峻峻斷山集韻峻同峻又峻閭承切音陵

峻峻石貌與峻通 唐司空圖太子太師盧公碑崩崩當

世止有數賢崩士力切 又蘇銑開大庾嶺銘石歲嵬兮

山崖崖 又游方任城縣橋亭記危欄巖巖 又元結丹



崖翁宅銘礧礧丹崖礧音增 又皇甫湜廬陵香山寺碣

列庫豐廚危危掀掀韓愈詠筍詩戈矛頭戢戢蛇虺首掀

掀 唐孟郊連州吟連天碧岑岑 楚辭招隱士狀貌崑

崑兮峨峨王逸註頭角甚殊峨峨一作巒巒音巒五臣云

頭角高貌說文凡地高險者曰崑王逸九思叢林兮崑崑

釋名嶽欠也開張其口嶽嶽然玉篇嶽崑山勢聳立貌

集韻虛金切音欽 說文壘土塊壘壘也一曰高墪為壘

壘音六陸本字小篆加阜作陸 易略例釋文坻坻蟻冢

遼遼遙遙邈邈貌貌貌貌渺渺眇眇眇眇悠悠攸攸攸攸迢迢怱怱連連翹翹芒

芒芒迢迢眇眇懸懸亭亭茗茗杳杳遠也

楚辭劉向九歎山修遠其遼遼王逸註遼遼遠貌晉陶潛

扇上畫贊遼遼沮溺 左傳昭二十五年鸚鵡之巢遠哉

遙遙南史何昌胤傳嘗有一客姓閔自云子騫後昌胤團

扇掩口而笑曰遙遙華胄 離騷神高馳之邈邈王逸註

邈邈遠貌唐韓愈月蝕詩完完上天東朱子韓文考異完

完諸本作貌貌貌與邈同遠也邈莫角切通作藐晉左思

魏都賦藐藐標危文選註藐藐遠也 管子內業篇渺渺

乎如窮無極房註渺渺微遠貌渺通作眇漢張衡思平賦

風眇眇兮震余旗文選舊註衡曰眇眇遠貌 詩鄘風馳

馬悠悠毛傳悠悠遠貌悠通作攸漢書敘傳攸攸外寓註







深也 淮南子精神訓窈窈冥冥漢司馬相如長門賦天  
窈窈而晝陰廣雅窈窈深也與窅通說苑權謀篇將將之  
臺窅窅其謀道德指歸論禍生於冥冥福生於窅窅唐韓  
愈剝啄行窅窅深塹亦作潛集韻潛潛深不測通作助漢  
書樂志清思助助師古註助助幽靜也韻會助助深遠也  
或作助字典耳目部並收又通杳楚辭屈原九章眇兮杳  
杳王逸註杳杳深冥貌也案集韻窅窅潛助杳並伊烏切  
唐元稹憶雲之詩人生既相合不復論窅窅窅與窅通  
廣雅窅窅深也唐李賀洛姝真珠詩玉喉窅窅排空光窅  
徒吊土了二切通作窅案宮室深山水深皆曰窅窅 漢

張衡西京賦大廈耽耽文選薛綜註耽耽深邃之貌晉左  
思吳都賦予蔭耽耽文選呂向註耽耽青槐蔭深之狀又  
魏都賦耽耽帝宇文選註沈與耽音義同耽與耽通集韻  
耽耽室宇深邃之貌韓詩外傳逢天之暑思心潭潭華陽  
國志漢應季先美嚴王思詩潭潭其淵唐韓愈符讀書城  
南詩潭潭府中居史記陳涉傳夥涉之爲王沈沈者註應  
劭曰沈沈宮室深邃之貌沈音長含反通作潭亦作耽索  
隱曰劉伯莊以沈沈猶談談謂故人呼爲談談猶俗云談  
談深也說文繫傳引史記作鏗乎涉之爲王黓黓者也  
漢司馬相如上林賦沈沈隱隱文選李善註沈沈深貌也



梁江淹雜體詩青浦正沈沈文選呂延濟註沈沈深靜貌  
沈直深切唐李華含元殿賦下土相嶽愕視沈沈淮南  
子兵略訓深哉眇眇字彙補眇眇深也知丑切音帚詩  
大雅寢廟既成既成藐藐朱傳藐藐深貌宋玉高唐賦  
蒼漑漑而弗止文選李善註漑漑深貌音丈減切楚辭招  
魂漑漑江水魏稽康琴賦竦肅肅以靜謐文選李周翰  
註肅肅深也史記司馬相如傳巖巖深山之漑漑兮註  
晉灼曰漑漑長大貌師古曰深通貌漑古隴字元包經  
坎豷困困魄兮兮唐元結閔吟中辭大淵蘊蘊兮絕棧  
岌岌又治風詩化流瀛瀛又樂歌由六合兮根柢羸羸

羸羸義同

緜緜揭揭揭揭頎頎敖敖悠悠鞞鞞遲遲延延砢砢曼曼漫漫  
蔓蔓參參修修莘莘若若嶽嶽傑傑眇眇眇眇縵縵櫛櫛  
挺挺參參穆穆儼儼髟髟鬣鬣毳毳披披被被陶陶纒纒挺  
挺質質永永長也

詩王風緜緜葛藟毛傳緜緜長不絕之貌又衛風葭莩  
揭揭毛傳揭揭長也揭與揭通一切經音義揭揭又作襟  
同居揭反詩傳云揭揭長也說文禾舉出苗也案篇海襟  
禾長貌又碩人疏天德之人其貌頎頎然長美又碩  
人敖敖毛傳敖敖長貌箋敖敖猶頎頎也又秦風悠悠



我思朱傳悠悠長也 又小雅鞞鞞佩璫不以其長朱傳

鞞鞞長貌 又幽風春日遲遲朱傳遲遲日長而暄也廣

雅遲遲長也 楚辭王逸九思鱸鮎兮延延晉陸雲張二

侯頌延延紫極廣雅延延長也 又九思山島兮砢砢註

砢砢長而多有貌也 漢司馬相如長門賦夜曼曼其若

歲文選註曼曼長也史記鄒陽傳註甯戚飯牛歌曰長夜

曼曼何時旦曼與漫通釋名幔漫也漫漫相連綴之言也

畢氏疏證云漫字當從說文作曼曼引也據云相連綴自

當用曼引之曼今加水旁俗 漢書樂志蔓蔓日茂註蔓

蔓言其長久也逸周書和寤解縣縣不絕蔓蔓若何註縣

縣小長貌蔓蔓大長貌 漢書文帝紀彗星光芒長參參

如掃箒後漢書張衡傳長余佩之參參註參參長貌 唐

杜甫晦日尋崔戢李封詩舊竹頗修修 宋蘇軾次韻林

子中見寄詩笑看魚尾更莘莘毛詩小雅傳莘長貌 漢

書石顯傳印何纍纍綬若若耶註若若垂貌一曰長貌

又朱雲傳諸儒爲之語曰五鹿嶽嶽朱雲折其角註師古

曰嶽嶽長角之貌王逸九思林榛兮嶽嶽 集韻僣僣長

貌士綖切巢上聲 又躬躬體長貌山巧切稍上聲 晉

陸機文賦志眇眇而臨雲文選張銑註眇眇長貌 漢班

彪北征賦越安定以容與兮遵長城之纒纒劇蒙公之疲



民兮爲強秦乎築怨怨平聲案此古今韻略所引今文選作漫漫隋書天文志有飛星大如缶若囊後皎白纒纒然長可十餘丈而委曲名曰天刑唐元結訟木魅辭將封灌乎善木令櫛櫛以挺挺櫛本作櫛類篇疏鳩切音捺木長貌挺丑延切說文木長也又杜甫越人獻馴象賦牙櫛比而椹椹音森說文木長貌南史王子年歌三禾穆穆林茂滋穆楚簪切音參字書曰禾長也說文長壯儼儼也引春秋傳長儼者相之徐曰左傳註長儼多鬚也又髟長髮焱焱也北周庾信竹杖賦髮種種而逾短眉髟髟而競長漢書樂志白麟歌掩回轅鬣長馳註如淳

曰鬣鬣長貌無取謨官一切說文髮長也古陌上桑樂府爲人潔白皙鬣鬣頗有鬣說文鬣鬣也一日長貌晉陸璣毛詩草木鳥獸魚蟲疏白鷺頭上有毛十數枚長尺餘毳毳然與衆毛異玉篇毳先含切音參毛長貌後人借作花木長盛貌楚辭劉向九歎服雲衣之披披王逸註披披長貌也屈原九歌靈衣兮被被王逸註被被長貌一作披洪興祖補註被與披同又王逸九思冬夜兮陶陶註陶陶長貌離騷矯菌桂以紉蕙兮索胡繩之纒纒文選劉良註纒纒索好貌唐孫樵興元新路記路傍樹往往如挂塵纒纒而長從風紛然訊於薪者曰此泥榆也文



選西都賦註颯纒長袖貌廣韻纒所綺切音蹤唐韓愈

答張徹詩石梁平佺佺說文佺長貌他鼎切晉顧凱之

雷電賦磕磕隆隆閃閃負負宋錢惟演春雪賦有弁負負

有鳴嚶嚶案廣韻集韻韻會負音絢又音訶廣雅遠也又

長也顧錢二賦俱用作平聲梁江淹青苔賦夜永永以

空長

洋洋扈扈熙熙央央莽莽莽廣也

詩大雅牧野洋洋毛傳洋洋廣也禮檀弓南宮縚之妻

之姑之喪夫子誨之鬢曰爾母扈扈爾鄭註扈扈謂太廣

魏文帝浮淮賦白旄冲天黃鉞扈扈左傳襄二十九年

廣哉熙熙乎周語熙廣也漢司馬相如長門賦覽曲臺

之央央文選李善註央央廣貌宋玉九辨泊莽莽而無

垠元包經晉埜井井傳埜井井地之廣也井與莽同

丕丕簡簡芒芒芒許許甫甫奕奕業業藐藐濯濯京京俛

俛俛個詡詡曠曠曠廣曠廣盪盪渾渾渾混汪汪顛顛顛昊昊闐闐

佬查查戢戢閔閔宏宏洪洪豐豐潢潢堂堂唐唐俟俟泱泱

槃槃漫漫迴迴回恢恢皇皇駟駟酋酋豁豁大也

書立政以並受此丕丕基爾雅釋訓丕丕大也詩周頌

降福簡簡毛傳簡簡大也又商頌宅殷土芒芒毛傳芒

芒大貌芒通茫晉束皙補亡詩茫茫九壤文選呂向註茫



茫大也 [又]大雅川澤訃訃毛傳訃訃大也 [太平御覽引

作澣澣 [又]魴鱖甫甫毛傳甫甫然大也 [又]奕奕梁山

毛傳奕奕大也 [又]赫赫業業朱傳業業大也 [又]藐藐

昊天毛傳藐藐大也 [又]商頌濯濯厥靈毛傳濯濯大也

[又]小雅憂心京京朱傳京京亦大也 [又]邶風碩人侯

侯毛傳侯侯容貌大也朱傳侯侯大貌 [宋史樂章陰邑有

宮伋伋侯侯釋文引詩作個個 [止字通]個與侯通 [易林

離之中孚魴鱖詡詡 [北周庾信宗廟歌齋房芝詡詡廣雅

詡詡大也 [史記日者傳]天地曠曠廣雅曠曠大也 [淮南

子兵略訓屬屬如夏註屬同曠漢書燕王歌橫術何廣廣

兮註廣音曠荀子非十二子篇恢恢然廣廣然是父兄之

容也楊倞註恢恢廣廣皆容眾之貌又通作壙新書修政

語下篇天下壙壙一人有之 [漢書揚雄傳]廓盪盪其亡

雙師古註盪盪大也 [揚子法言問神篇]虞夏之書渾渾

爾五臣音註深大廣雅渾渾大也渾音魂通作混 [史記自

序]乃合大道混混混混與渾同 [晉郭璞題墓詩]巨海混混與

昆叶 [班固典引]汪汪乎丕天之大律廣雅汪汪大也

[唐陳子昂臨邛縣令封君遺愛碑]聖人顥顥同昊案諸

韻書顥昊俱胡老下老一切爾雅昊天疏昊者元氣博大

之貌李巡曰夏萬物盛壯其氣昊昊故曰昊天 [釋名]夏曰



吳天其氣布散顛顛也吳說文作界云春爲界天元氣界  
界又與灑同廣雅灑灑大也案說文玉篇廣韻俱無灑字  
王氏謂灑灑當作顛顛玉篇顛公老切廣大貌後漢書  
張衡傳集太微之閭閻註閭閻明大也玉篇佬佬大貌  
力彫切音遼集韻查查大貌徐嗟切音邪說文戠戠大  
也讀若詩戠戠大猷遲匹反玉篇引作戠戠太平經交  
大圈閎閎註圈求晚切司馬光曰閎閎大貌也太平廣  
記引集異記云山平卿撰蒼龍溪新宮銘云新宮宏宏  
魏王粲遊海賦洪洪洋洋楚辭宋玉九辨歷羣靈之豐  
豐方言豐大也又劉向九歎揚流波之潢潢王逸註潢

潢大貌晉何晏景福殿賦建高基之堂堂文選李善註  
史記曰楚國堂堂之大也玉篇堯稱唐者蕩蕩道德至  
大之貌說文唐大言也通雅唐唐猶堂堂也說文俟大  
也引詩伾伾俟俟徐曰此直訓大竝俟字牀史反漢書  
地理志泱泱乎大風也哉注泱泱宏大之意也續晉陽  
秋時人語曰大才槃槃謝道安禮冠禮鄭註云弁之名出  
於槃槃大也晉束皙補亡詩漫漫方輿迴迴洪覆文選  
李周翰註漫漫迴迴大貌迴通作回唐杜甫有事於南郊  
賦地回回而風淅淅老子任爲籊天網恢恢疎而不失  
註天所網羅恢恢甚大晉束皙補亡詩恢恢大圜文選呂



向註恢恢大也 莊子知北遊其來無迹其往無崖無門

無房四達之皇皇也註皇皇通達貌案說文皇大也四達

皇皇正是大意 古音復字騶騶體貌大也騶魚容切玉

籩大貌 唐杜牧洛中送冀處士東遊詩壇宇寬帖帖符

采高首首 經典釋文施呂澌澌馬云大魚罔目大豁豁

也晉劉琨散騎常侍劉府君誄堂堂漢祖豁豁高韻史記

高祖紀意豁如也師古註豁然開大之貌

磴磴矜矜兢兢仡仡栗栗實實庚庚賴賴賴賴磴磴

經經歷歷硤硤磬磬硤硤磬磬牢牢駢駢圉圉擊擊介介堅也

周武王刀銘刀利磴磴漢張衡思平賦行積冰之磴磴方

言磴堅也牛哀切 詩小雅矜矜兢兢不騫不崩毛傳矜

矜兢兢以言堅強也 又大雅崇墉仡仡朱傳仡仡堅強

貌 又實穎實栗毛傳栗其實栗然 又魯頌實實枚

枚朱傳實實鞏固也 說文庚位西方象秋時萬物庚庚

有實也徐曰史記曰大橫庚庚堅強之貌索隱曰庚庚猶

更更 說文聲車堅也聲與賴同廣雅賴賴堅也賴曹憲

音苦耕反衆經音義引廣雅作賴賴 集韻很里黨切音

很廣雅很很堅也 論語硤硤然小人哉何晏註硤硤猶

碌碌也朱註硤小石之堅確者通作硤晉書范宏之傳雖

有硤硤之稱而無大雅之致音義經當作硤亦作硤唐韓



愈城南聯句詩焉能守磴磴莊子至樂篇吾觀俗之所樂  
舉羣趨者誣誣然如將不得已釋文誣誣亡耕反又胡挺  
反李云趨死貌崔云以是爲非以非爲是爲誣誣本又作  
脛脛別雅脛脛誣誣脛脛硶硶硶硶也唐元結丹崖  
翁宅銘怪石臨淵硶硶自顛通雅硶硶蓋硶硶也案論語  
皇侃疏云硶硶堅正難移之貌也樂記石聲磬磬以立辨  
辨以致死史記樂書磬作硶集解引王肅註云硶聲果勁  
也釋名磬磬也其聲磬磬然堅緻也並聲近而義同硶古  
磬字老子法本篇硶硶如石韻會硶硶各切音洛硶硶  
石堅不相入貌唐李賀唐兒歌頭玉硶硶眉刷翠玉篇

硶堅硬也唐釋齊己讀李白集詩竭雲濤劔巨鼈搜括  
造化空牢牢太子經逃利逃跣跣盜德嬰城陳漸註跣  
音餅又蒲賢切字書跣胝皮堅也唐韻圉圉硬貌陟革  
切音責說文擊固也从手収聲讀若詩赤舄擊擊苦閑  
反今幽風作几几長箋指爲逸詩唐韓愈法曹參軍盧  
君墓銘介介其守  
烝烝振振蚩蚩戎戎戎茂濃濃穠穠塗塗湛湛種種惇惇  
醇醇淳淳僣僣腆腆厚也  
詩魯頌烝烝皇皇毛傳烝烝厚也後漢書吳祐傳論吳季  
英視人畏傷發言烝烝似夫懦者而懷憤激揚折讓權枉



又何壯也案其語意烝烝是仁厚貌註言烝烝猶仍也可  
以意會之又周南宜爾子孫振振兮毛傳振振仁厚也  
又振振公子毛傳振振信厚也又衛風氓之蚩蚩毛傳  
蚩蚩敦厚之貌後漢書崔駰傳註引詩云蚩蚩殷厚之貌  
又召南何彼穠矣毛傳穠猶戎戎也唐杜甫放船詩江  
市戎戎暗韓詩作莪莪集韻莪莪厚貌通作戎案漢石經  
何彼穠矣字從衣說文禮衣厚貌引詩與石經同唐張參  
五經文字云禮從禾者譌又小雅零露濃濃毛傳濃濃  
厚貌唐杜甫朝獻太清宮賦至精濃濃唐李隲徐襄州碑  
銘公仁之豐沈積濃濃楚辭劉向九歎白露紛以塗塗

王逸註塗塗厚貌漢書樂志羣生嘒嘒惟春之祺師古  
註嘒嘒豐厚之貌也音徒感切又司馬相如傳紛湛湛  
其差錯師古註湛湛積厚之貌音徒感切楚辭屈原九章  
忠湛湛而願進王逸註湛湛重厚貌湛又叶羊戎切音容  
宋玉九辨棄精氣之搏搏兮驚諸神之湛湛驂白霓之習  
習兮歷羣靈之豐豐莊子肱篋篇舍夫種種之機而悅  
夫役役之佞釋文種種章勇反李云謹慤貌一云淳厚也  
後漢書第五倫傳論惇惇歸諸寬厚註惇惇純厚之貌  
也老子順化篇其政悶悶其民醇醇註政教寬大故民  
醇醇富厚相親睦也醇音純呂氏春秋士容篇淳淳乎慎



謹畏化而不肯自足 道德指歸論 沌沌僭僭不曉東西  
集韻僭音蠢厚也 說文 腆設膳腆腆多也他典切 玉篇  
厚也

顯顯憲憲光光班班章章彰彰犖犖灼灼焯焯焯焯的的昭昭炤炤秩秩  
載載皎皎爽爽察察的的聆聆朗朗折折雕雕赫赫扶扶鄂鄂  
翼翼怒怒邴邴曠曠鮮鮮鱗鱗潦潦燎燎明也

詩大雅顯顯令德毛傳天嘉樂成王有光光之善德也廣  
雅顯顯著也中庸引詩作憲憲令德憲呼典切音顯韻會  
興盛貌正字通憲有顯示之義唐韓愈贈元十八詩冠珮  
立憲憲押入上聲蓋用此 漢書敘傳子明光光發迹西

疆梁樂府月明光光星欲墜一後漢書趙壹傳不敢班班  
顯言竊爲窮鳥賦一篇註班班明貌 史記貨殖傳此其  
章章尤異者也呂氏春秋本生篇萬物章章高誘註章章  
明美貌與彰通道德指歸論顯的以彰彰 史記天官  
書此其犖犖大者註索隱曰犖犖事之分明也 詩周南  
灼灼其華毛傳灼灼華之盛也廣雅灼灼明也漢書外戚  
傳咎敗灼灼若此豈可以忽哉師古註灼灼明白貌也新  
書匈奴篇若日出之灼灼通作焯音酌說文明也引書焯  
見三有俊心今書立政作灼唐鄭薰楚國公仇士良碑銘  
焯焯楚公俊父邁德 漢司隸較尉忠惠魯君碑喚矣的



的張受先東漢文選註的灼也與樂叶 莊子達生篇昭

昭乎若揭日月而行也禮中庸今夫天斯昭昭之多鄭註

昭昭猶耿耿小明也昭章遙反本亦作炤同 荀子儒效

篇炤炤乎其用智之明也楊倞註炤炤明見之貌與照同

詩大雅德音秩秩箋教令清明也秦風秩秩德音毛傳

秩秩有知也知音智爾雅釋訓秩秩智也又秩秩清也宋

書王微傳巖穴人情所高吾當得此則雞鷲變作鳳凰何

為干飾廉隅秩秩見於面目又小雅秩秩大猷毛傳秩秩

進知也說文戩大也讀若詩戩戩大猷徐曰今詩借秩

楚辭屈原九歌夜皎皎兮既明廣雅皎皎明也洪興祖楚

辭補註皎字从日與皎同南史何子朗傳子朗早有才

思周捨每與談服其精理世人語曰人中爽爽有子朗

世說新語刁孚亮之察察唐李白明堂賦聽天語之察察

廣雅察察著也唐黎逢觀風臺賦衣冠察察 淮南子說

林訓的的者獲高誘註的的明也為眾所見故獲陳徐陵

與楊僕射書的的宵烽 淮南子齊俗訓不通於道者若

迷惑告之以東西南北所居聆聆高誘註聆聆猶了了言

迷惑也 世說新語時人目夏侯太初朗朗如日月之入

懷唐韓愈奉使常山詩朗朗聞街鼓 管子內業篇折折

乎如在其側註折折明貌言心明察若在其側 荀子議



兵篇雕雕焉懸貴爵重賞於其前楊倞註雕雕章明之貌  
猶昭昭也 詩小雅赫赫南仲朱傳赫赫威名光顯也廣  
雅赫赫明也漢孔廟置守廟百石卒史孔龢碑讚曰巍巍  
大聖扶扶彌章張受先東漢文選註云扶赫也集韻扶簿  
早切盤去聲苾行也韋字從此 又小雅鄂不韡韡毛傳  
鄂猶鄂鄂然言外發也朱傳鄂鄂然外見之貌 晉束皙  
補亡詩顯猷翼翼廣雅翼翼明也爾雅釋詁翌明也郭璞  
註引金縢翌日乃瘳案翌爲明日之明又爲明顯之明字  
通作翼 呂氏春秋下賢篇忽忽乎其心之堅固也高誘  
註忽忽明貌案此則忽與聰明之聰同 莊子大宗師

邴乎其似喜乎註簡文云邴邴明貌 廣雅曠曠明也  
唐王泠然初月賦鮮鮮綿綿點青漢而連娟又唐元結招  
太靈辭木修修兮草鮮鮮通作蠱元包經大有燾山山三  
蠱蠱明蓋于頁晶灼于天彡音衫說文毛飾畫文也 墨  
子親士篇是故天地不昭昭大水不潦潦大火不燎燎王  
德不堯堯註說文云潦雨大兒然此義與明瞭同老子云  
水至清則無魚也  
湜湜粼粼磷磷 湜湜磷磷 湜湜磷磷 湜湜磷磷 湜湜磷磷  
湜湜磷磷 湜湜磷磷 湜湜磷磷 湜湜磷磷 湜湜磷磷  
清也  
詩邶風湜湜其沚箋湜湜持正貌朱傳湜湜清貌說文湜



水清底見也引詩作湜湜其止常職切唐柳宗元邕州刺  
史李公墓誌銘湜湜李公惟道之宣 又唐風白石粼粼  
毛傳粼粼清澈也宋方岳寄友人詩霜蓬肯負月粼粼通  
作磷魏劉楨贈從弟詩磷磷水中石文選李善註引毛詩  
作白石磷磷張銑曰磷磷水中見石貌又通作磷唐杜甫  
雜述文泗水磷磷瀾以清磷音鄰玉篇水清貌與粼通  
道德指歸論僂僂溇溇消如冰釋唐李華高宗無疆頌溇  
溇景風扇彼嘉穀又李商隱楚宮詩湘波如淚色溇溇說  
文溇音聊清深也又音留與瀏同宋蘇軾與子由同游寒  
溪西山詩瀏瀏霜雪鳴寒溪 晉陸機文賦音泠泠而盈

耳文選呂向註泠泠盈耳音韻清也又陸機招隱詩山溜  
何泠泠 世說新語泚泚清便註言泚泚世故之外而清  
且便也泚土刀切音叨 春秋繁露山川頌郭防止之能  
淨淨既似知命者 後漢書張衡傳出紫宮之肅肅註肅  
肅清也釋名蕭肅也其聲肅肅然清也 唐韋應物休沐  
東還詩泓泓野泉潔說文泓水清貌唐李賀秦王飲酒詩  
青琴醉眼淚泓泓 晉阮修詩澄澄綠水唐李藝通金吾  
將軍隴西李公墓銘澄澄汪容 唐杜甫漫成詩江流泯  
泯清

井井察察皎皎滌滌 薇薇 滌滌洗洗潔也



易井往來井井疏正義曰此明性常井井潔靜之貌也往者來者皆使潔靜不以人有往來改其洗濯之性故曰往來井井也楚辭屈原漁父安能以身之察察受物之汶汶者乎王逸註察察清潔也呂向註潔白也孫奭孟子疏介士察察晉陸機擬古詩皎皎彼姝女文選呂向註皎皎明潔貌詩大雅滌滌山川毛傳滌滌旱氣也朱傳謂山無木川無水如滌而除之也說文引詩作薇薇草旱盡也玉篇引詩作蕨蕨又音焦旱山無草曰蕨孟子是以若彼濯濯也趙註濯濯山禿貌朱註光潔之貌唐柳宗元東平呂君詠濯濯夫子故潔其儀宋黃庭堅寄李德

更詩原田水洗洗何時稼如雲

枚枚縣縣緻緻沐沐密也

詩魯頌實實枚枚毛傳枚枚萳密也又周頌縣縣其庶

爾雅釋訓疏孫炎曰縣縣言詳密也魏曹植洛神賦思縣

縣而增慕文選李善註縣縣密意也唐韓偓屐子詩六

寸圓膚光緻緻說文緻密也梁簡文南郊頌故以熊熊

灼灼炫兩明而仰七曜紛紛沐沐承五煙而帶三靈太平

經少密雨溟沐註溟沐細密之雨也案沐沐亦細密意

坦坦

坦坦

植植

植植

植植

植植

植植

植植

植植

植植

植植

植植

覃覃衍衍旃旃平也



易履履道坦坦疏坦坦平易之貌釋文引廣雅坦坦明也  
案今廣雅坦坦平也管子極言篇坦坦之利不以功坦坦  
之備不爲用注坦坦謂平平荀子王霸篇是墾墾非變也  
楊倞註墾與坦通言坦坦然無變也坦儻旱切灘上聲通  
作壇司馬彪子虛賦註壇曼平博也亦作亶音同新書君  
道篇引書曰大道亶亶其去身不遠 詩小雅殖殖其庭  
毛傳殖殖言平正也殖通植宋歐陽修會聖宮頌庭兮植  
植 又小雅踽踽周道毛傳踽踽平易也 又鄭風東門  
之墾毛傳墾除地町町者釋名鄭町也地多平町町然也  
又邶風河水浼浼朱傳浼浼平也 揚子法言問神篇

商書灝灝爾五臣音註云夷曠宋咸曰灝灝猶漫漫也廣  
雅漫漫平也南朝宋沈約早發定山詩歸海流漫漫文選  
呂向註漫漫平流貌 晉束皙補亡詩蕩蕩夷庚廣雅蕩  
蕩平也 晉左思魏都賦原隰昫昫文選呂向註昫昫平  
坦貌 元包經規均均說文均平也釋名簞簞也布之簞  
簞然平正也 又筵衍也舒而平之衍衍然也 又瓊旗  
也毛相著旃旃然也



Blank columns for text in the right-hand page.

疊雅卷二

樂亭 史夢蘭 香厓

堂堂

棠棠赫赫焯焯

焯焯漻漻浮浮

裳裳

裳裳駸駸彭彭

鐻鐻孽孽

孽孽滑滑洋洋

擘几几

擘擘渠渠焯焯

震震

震震歔歔閑閑

軫沈沈

軫軫溶溶侈侈

闐烈烈

闐闐注注



論語堂堂乎張也邢疏堂堂容儀盛貌後漢書伏湛傳容  
貌堂堂國之光輝通作棠漢司隸較尉忠惠魯君碑棠棠  
忠惠隸辨云棠棠作堂堂詩小雅赫赫南仲毛傳赫赫  
盛貌又暉暉焯焯毛傳焯焯盛也釋文焯本又作焯同  
漢書韋元成傳作暉暉推推又雨雪濛濛雨雪之盛  
濛濛然漢書劉向傳引詩作庶庶又雨雪浮浮毛傳浮  
浮猶濛濛也濛濛尤二韻通大雅江漢浮浮毛傳浮浮眾  
彊也朱傳水盛貌唐劉巖夫植竹記翠筠浮浮又周南  
維葉萋萋毛傳萋萋茂盛貌小雅有渰萋萋毛傳萋萋雲  
行貌朱傳盛貌說文引詩作有渰淒淒云雲雨起貌秦風

蒹葭萋萋漢石經亦作淒淒晉潘岳藉田賦襲春服之萋  
萋文選李周翰註萋萋色盛貌周頌有萋有且箋其來威  
儀萋萋且且疏萋萋且且威儀多之狀且七序切萋七稽  
切音妻又此禮切音泚左思魏都賦珍樹猗猗奇卉萋萋  
蕙風如薰甘露如醴又小雅其葉蓬蓬毛傳蓬蓬盛貌  
漢高誘淮南子敘時民歌之曰一尺繪好童童一升粟飽  
蓬蓬蓬通作逢墨子耕柱篇夏后開鑄鼎於昆吾使翁難  
乙灼目若之龜絲曰逢逢白雲逢音蓬又小雅裳裳者  
華毛傳裳裳猶堂堂也古本作常廣雅常常盛也又小  
雅四牡騤騤毛傳騤騤彊也廣雅騤騤盛也漢張衡南都



賦駟飛龍兮駸駸 又大雅駟駟彭彭疏彭彭然皆強盛

魯頌以車彭彭毛傳彭彭有力有容也 又大雅臨衝弗

弗毛傳弗弗彊盛貌 又大雅駟駟叩叩毛傳叩叩盛貌

又魯頌烝烝皇皇朱傳烝烝皇皇盛也 又六轡耳耳

毛傳耳耳然至盛也耳與緝通玉篇緝轡盛貌釋名輻耳

也縣於左右前後銅魚搖絞之屬耳耳然也 又周南宜

爾子孫振振兮朱傳振振盛貌左傳僖五年均服振振杜

註振振盛貌 又小雅萑葦泝泝毛傳泝泝衆也廣雅泝

泝茂也案衆茂俱是盛意 又邶風河水浼浼釋文浼每

罪反韓詩作泥泥云盛貌 又衛風朱幘鑣鑣毛傳鑣鑣

盛貌 又庶姜孽孽毛傳孽孽盛貌也漢李尤東觀賦東

觀之菽孽孽洋洋 又唐風其葉湑湑朱傳湑湑盛貌釋

文湑湑私敘反不相比次也小雅零露湑兮疏湑湑露在

物之狀唐柳宗元湘源二妃廟碑南風湑湑揮塵餘話蔡

元長侍燕太清樓誦曰有石巖巖有泉湑湑 又衛風河

水洋洋毛傳洋洋盛大也論語洋洋乎盈耳哉朱註洋洋

美盛意中庸洋洋乎如其上如其左右朱註洋洋流

動充滿之意 又鄭風溱與洧方渙渙兮毛傳渙渙盛貌

渙叶于元切 又駟介旁旁廣雅旁旁盛也說文引詩作

騁騁云馬行貌廣雅馬盛貌 書大禹謨濟濟有衆孔傳



濟濟眾盛之貌 詩大雅藹藹王多吉士毛傳藹藹猶濟濟也爾雅釋訓藹藹濟濟止也註皆賢士盛多之容止南史虞玩之傳玩之東歸朝廷無祖餞者劉休與親知書曰虞公散髮海隅同古人之美而東都之送殊不藹藹晉束皙補亡詩瞻彼崇丘其林藹藹文選張銑註藹藹茂盛貌詩周頌驛驛其達朱傳驛驛苗生貌廣雅驛驛盛也爾雅釋訓作釋釋云生也漢揚雄甘泉賦迺望通天之釋釋文選李善註引薛君韓詩章句云釋釋盛貌又商頌庸鼓有鞞毛傳鞞鞞然盛也又魯頌新廟奕奕王肅註云奕奕盛大周官隸僕註引作寢廟釋釋玉篇翠翠生也案集韻

驛釋鞞奕畢並夷益切音亦驛釋翠之訓為生者亦言其生之盛也奕又叶弋灼切晉陸機七徵敷延表之廣廡矯陵霄之高閣秀清輝乎雲表騰藻蔭之奕奕 又幽風赤烏几几廣雅几几盛也太平經親飲食几几註几几偕也 又秦風夏屋渠渠廣雅渠渠盛也 大雅王旅嘽嘽毛傳嘽嘽然盛也 爾雅釋訓焯焯然也註氣出盛貌疏大雅生民云烝之浮浮毛傳浮浮氣也焯浮音義同 蜀志先主舍東南角桑樹童童如小車蓋註童童盛貌藝文類聚引作幢幢 淮南子時則訓敦敦陽陽惟德是行養長化育萬物繁昌敦音孛與勃同廣雅勃勃盛也勃蒲沒切



通作字漢書文帝紀註字星光芒短其光四出蓬蓬字字也案廣韻字有蒲昧蒲沒二切徐氏解說文引論語色勃如也作字如一切經音義淳淳聲類亦勃字同蒲沒反廣雅淳盛也漢張衡東京賦京邑翼翼文選薛綜註翼翼禮儀盛貌廣雅翼翼盛也晉左思魏都賦重闈洞出鏘鏘濟濟文選劉良註鏘鏘濟濟衣冠盛貌文中子述史篇子將之陝門人從者鏘鏘然被於路廣雅鏘鏘盛也說文闐盛貌又嗔盛氣也引詩振旅嗔嗔笛前反今小雅作闐闐廣雅闐闐盛也漢書樂志泛泛溟溟從高旂應劭註溟溟盛貌也晉潘岳藉田賦震震填填塵鷺連天文選李

善註震震盛也震音真劉良註填填車馬眾貌案闐嗔填填並徒年切音田義亦相通廣雅歎歎盛也集韻歎徒感切音毯又虛金切音欣火盛貌又閑閑盛也王氏疏證大雅皇矣篇臨衝閑閑崇墉言言臨衝萑萑崇墉仡仡傳云閑閑動搖也言言高大也萑萑疆盛也仡仡猶言言也案言言仡仡皆謂城之高大則閑閑萑萑亦皆謂車之疆盛萑萑與勃勃同廣雅以閑閑勃勃俱訓為盛蓋本諸三家也案王氏所論頗通字典門部及韻府彙韻閉字下俱引廣雅閑閑盛也則是閑當作閉二者必有一誤漢司馬相如上林賦沈沈隱隱文選李善註隱隱盛貌史



記蘇秦傳鞞鞞殷殷若有三軍之衆註鞞鞞殷殷盛貌隱  
 於謹切音隱 漢司馬相如長門賦芳酷烈之閭閻文選  
 李善註酷烈閭閻香氣盛也閭魚斤切 漢書敘傳樂安  
 裊裊古之文學師古註裊裊盛貌裊亦作裊集韻裊裊禾  
 黍盛貌 又敘傳成都煌煌假我明光曲陽歆歆亦朱其  
 堂師古註歆歆氣盛也音許驕反宋黃公紹引漢書作歆  
 歆歆同歆 又敘傳世宗晔晔師古註晔晔盛貌 又樂志  
 華晔晔固靈根 又樂志桂華馮馮翼翼師古註馮馮盛  
 滿也 太平經廓百辟馮馮註馮古憑字馮馮盛多貌 漢  
 揚雄羽獵賦殷殷軫軫文選李善註殷軫軫盛貌也 史記律

書軫者言萬物益大而軫軫然也 漢書樂志沈沈四塞  
 註孟康曰沈音究師古曰沈沈流行之貌也揚雄羽獵賦  
 沈沈溶溶遙矐乎紘中文選呂向註沈沈溶溶禽獸奔走  
 貌 又萃從沈溶註李善曰沈溶盛多之貌也南朝宋沈約  
 遊仙詩玉鑾隱雲霧溶溶紛上馳 晉左思蜀都賦侈侈  
 隆富卓鄭埒名文選呂延濟註侈侈盛貌 又魏都賦習  
 習冠蓋文選張銑註習習盛也 漢張衡思平賦建罔車  
 之幕幕文選劉良註幕幕盛也 漢禰衡鸚鵡賦采采麗  
 容文選註薛君韓詩章句曰采采盛也 毛詩秦風傳采采  
 猶萋萋也 孟子益於背趙註其背益益然盛朱註豐厚



盈溢之貌韓詩外傳子貢曰賜之師何如姑布子卿曰得堯之顙舜之目禹之頸皇陶之喙從前視之盎盎乎似有王者從後視之高肩弱脊此惟不及四聖者也淮南子

倣真訓茫茫沈沈是謂大治高誘註茫茫沈沈盛貌茫讀王莽也沈讀水出沈沈正白之沈又天文訓斗指卯卯

則茂茂然律受夾鍾茂音懋又音末周武王筆銘毫毛茂茂陷水可脫陷文不可活太平經交物登明堂禱禱皇

皇註禱音聿王涯曰禱禱皇皇明盛之貌揚子法言孝

至篇武義璜璜兵征四方五臣音註吳祕曰璜璜猶言煌煌也司馬光曰璜音黃離騷芳菲菲其彌章王逸註菲

菲猶勃勃也晉左思吳都賦晔晔菲菲文選李周翰註晔

晔盛貌菲菲美貌集韻菲草盛貌宋玉九辨被荷凋之

晏晏王逸註晏晏盛貌也楚辭大招雄雄赫赫王逸註

威勢盛也案爾雅釋訓薨薨增增眾也顧舍人本薨薨作

雄雄註云皆眾夥之貌眾夥即盛意漢東方朔七諫微

霜降之蒙蒙王逸註蒙蒙盛貌詩小雅黍稷薿薿箋薿

藹然而茂盛唐韓愈秋懷詩窗前兩好樹眾葉光藹藹漢

書食貨志引詩藹藹作儼儼與藹通唐王光庭送張說

巡邊詩虎貔紛儼儼白帖引詩又作嶷唐柳宗元平淮夷

雅歌王師嶷嶷詩衛風綠竹猗猗毛傳猗猗美盛貌魏



稽康琴賦微風餘音靡靡猗猗文選註猗猗衆盛貌猗於  
离切音漪又叶於何切音窩毛詩猗猗與下磋磨爲韻

唐歐陽詹迴鑾賦振振駢駢采蘇洵張尙書畫像記公在

西園草木駢駢唐崔融寒食題臨江驛詩桃李正酣酣

說文斟斟盛也汝南名蠶盛曰斟徐曰詩曰宜爾子孫

蟄蟄兮蟄衆也此斟義近之也姊入反又闔闔盛貌从

門堂意兼聲太子經將日失烈烈范望註烈烈盛也

唐杜殷華嚴寺杜順和尚行記甲鎧汪汪論語郁郁乎

文哉朱註郁郁文盛貌史記天官書郁郁紛紛蕭索輪囷

是謂卿雲又顓頊紀其色郁郁漢張衡南都賦紛紛郁郁其

難詳文選張銑註郁郁衆美貌郁與或通晉何晏景福殿

賦嗟瓌璋以壯麗紛或或其難分文選呂延濟註紛或或

文章多貌案衆美文章多正是盛意詩小雅黍稷或或毛

傳或或茂盛貌與穉同玉篇穉穉黍稷盛貌案或又音越

逼切與下酒食叶呂氏春秋古樂篇其音英英註英英

和盛之貌

莫莫天天扶扶蓁蓁漆漆棧棧奉奉嗒嗒穉穉遂遂幪幪蒼蒼

青青菁菁楚楚藏藏肺肺市市驕驕喬喬桀桀梵梵

芊芊仟仟莽莽辨辨莠莠拂拂蔚蔚梃梃葆葆枇枇芄芄

稽稽厭厭稷稷與與程程翼翼袖袖油油苑苑鬱鬱尊尊沈沈依依依鬣



蘩蘩漸漸蘩蘩合合蔓蔓離離芸芸蕙蕙稔稔蓁蓁青青萋萋  
蒹蒹苕苕茸茸葭葭蔞蔞芴芴薈薈蘭蘭植萃萃蕭蕭藎藎  
甫甫半半方方茂也

詩周南維葉莫莫毛傳莫莫成就之貌朱傳茂密貌晉左  
思蜀都賦稷稻莫莫文選張銑註莫莫茂盛貌五臣本作  
漠漠又周南桃之天天毛傳天天其少壯也朱傳少好  
貌邶風棘心天天毛傳天天盛貌通作栝說文栝木少盛  
貌引詩桃之天天又作媠說文媠女子笑貌引詩桃之媠  
媠徐曰少而速壯也廣雅媠媠茂也又周南其葉蓁蓁  
毛傳蓁蓁至盛貌齊詩作其葉溱溱漢班固靈臺詩百穀

溱溱後漢書註溱溱盛貌漢書司馬相如傳覽竹林之榛  
榛師古註榛榛盛貌又藝文志息夫躬詩叢棘棧棧集韻  
棧音榛衆盛貌漢王逸荔支賦綠葉臻臻南朝宋謝惠連  
仙人草贊莫莫臻臻案玉篇臻訓聚訓眾亦是盛意與蓁  
溱榛音義並同又大雅蓁蓁萋萋毛傳梧桐盛也又瓜  
瓞嗒嗒毛傳嗒嗒然多實也說文嗒字註云讀若詩曰瓜  
瓞蓁蓁案說文嗒字只訓大笑無多實之義多實似應從  
蓁說文所引詩當是古本廣雅蓁蓁茂也集韻嗒瓜多實  
貌引詩瓜瓞嗒嗒云通作嗒又大雅禾役穞穞毛傳穞  
穞苗好美也說文穞禾采之兒引詩云穞或從艸又通作



遂首夏侯湛春可樂賦麥遂遂以揚秀 又大雅麻麥幪  
 幪毛傳幪幪然盛茂也 又秦風蒹葭蒼蒼毛傳蒼蒼盛  
 也 又衛風采竹青青毛傳青青茂盛也朱傳堅剛茂盛  
 之貌青音精或作菁唐風其葉菁菁小雅菁菁者莪韓詩  
 引作蓁蓁集韻引作蓼蓼云茂貌通作菁 又小雅楚楚  
 者茨朱傳楚楚盛密貌 又陳風其葉牂牂毛傳牂牂然  
 盛貌牂茲郎反音臧與藏通廣雅藏藏茂也又通作將易  
 林革之大有南山之楊其葉將將 又陳風其葉肺肺毛  
 傳肺肺猶牂牂也肺普貝反與芾通廣雅芾芾茂也說文  
 作市草木盛市市然讀若輩 又齊風維莠騫騫朱傳騫

騫張王之意通作喬揚子法言修身篇田甫田者莠喬喬  
 廣韻橋音騫禾秀貌通作騫 又維莠桀桀毛傳桀桀猶  
 騫騫也 又鄘風芄芃其麥毛傳麥芃芃然方盛長曹風  
 芃芃黍苗毛傳芃芃美貌小雅芃芃黍苗毛傳芃芃長大  
 貌大雅芃芃棫樸毛傳芃芃木盛貌說文芃草盛也從艸  
 凡聲徐曰汎汎然若風之起也父忠反廣韻漢都鄉正衛  
 彈碑梵梵黍稷借作芃芃案梵有房戎扶風二切並音馮  
 木得風貌類篇風行木上曰葢或作梵 列子力命篇齊  
 景公遊於牛山北臨其國城曰美哉國乎鬱鬱芊芊廣雅  
 芊芊茂也通作阡南齊謝朓遊東田詩遠樹曖阡阡文選



李善註阡與芊同亦作仟仟吕向註仟仟茂美貌晉潘岳

懷縣詩稻栽肅仟仟 楚辭天問草木莽莽王逸註莽莽

草深貌通作艸廣雅艸艸茂也 魏武帝氣出唱樂府乘

雲駕龍鬱何蓊蓊武道切音媚廣雅蓊蓊茂也 玉篇

萑花美也音皇廣雅萑萑茂也 說文萑道多草不可行

廣雅萑萑茂也夏小正拂桐芭傳云言桐芭始生貌拂拂

然拂與萑同唐顧况公子行紅肌拂拂酒光猗 漢張衡

東京賦鬱蓊鬱葍註草木盛貌廣雅葍葍茂也 漢饒歌

上陵醴泉之水光澤何蔚蔚晉傅平李賦嘉列樹之蔚蔚

廣雅蔚蔚茂也 漢書燕刺王旦傳頭如蓬葆註葆草木

叢生之貌廣雅葆葆茂也 詩大雅維葉泥泥釋文泥泥

張揖作芄芄云草盛也案今廣雅云芄芄茂也潛夫論德

化篇引詩作柅柅晉左思蜀都賦總莖柅柅文選劉淵林

註柅柅茂盛貌也 廣韻稍稍苗齊等也一鹽切音厭通

作厭周頌厭厭其苗箋眾齊等也疏厭厭者苗長茂盛之

貌案厭於豔切又於鹽切同狀足也稍又於禁切音蔭禾

苗茂盛也 集韻稷稷黍稷美也稷羊茹切音豫通作與

平聲又稊稊黍稷蕃蕪貌程逸織切音弋亦作翼詩小雅

我黍與與我稷翼翼箋與與翼翼蕃蕪貌 集韻袖袖禾

黍盛也唐元結樂歌其生如何兮袖袖通作油晉左思蜀



都賦黍稷油油文選張銑註油油茂盛貌毛詩小雅傳

苑茂木也苑於阮切音婉又紆勿切音鬱與鬱通文選古

詩鬱鬱園中柳註鬱鬱茂盛也案古本文選鬱鬱作苑苑

苑又叶平聲楚辭劉向九歎芳若茲而不御兮指林薄而

苑苑子僑之奔走兮申徒狄之赴淵漢張衡南都賦森

蓊蓊而刺天文選李善註茂盛貌說文蓊叢木也茲損切

南齊謝朓始出尚書省詩衰柳尚沈沈文選李周翰註

沈沈茂盛也晉潘岳金谷集作詩青柳何依依文選李

善註韓詩楊柳依依薛君曰依依盛貌易林歸妹之鼎

夏麥穞穞霜擊其芒穞同穞古猛切音穞玉篇大麥也

陳新蔡王籟記明庶風賦疇漸漸其秀麥稗蒼漸漸麥秀

貌集韻作蕲蕲通作漸史記宋微子世家麥秀漸漸兮漸

子廉反後漢書梁鴻傳麥含含兮先秀註麥含含盛貌

漢書樂志蔓蔓日茂芝成靈華師古註蔓蔓言其長久

日以茂盛也晉左思蜀都賦希綠葉之萋萋結朱實之

離離文選呂向註萋萋離離茂盛貌唐竇庠上陽宮感興

詩愁雲漠漠草離離又温庭筠郭處士擊甌歌三十六宮

花離離晉陸雲九愍悲江草之芸芸詩小雅裳裳者華

芸其黃矣毛傳芸黃盛也釋文芸音云徐音運集韻蕙

蕙草木盛貌皮冰切音憑又穉穉禾苗美也衣廉切音



淹 [又] 蓑蓑艸木葉茂兒蓑所乖切莊子德充符受命於地唯松柏獨也在冬夏青青如字 [張由詩其雨復其

兩豆稀草萋萋漢書樂志豐草萋萋註草盛貌萋音腰又於

笑切義同 [唐韓愈別知賦樹蓊蓊其相樛集韻鄔孔切

翁上聲蓊鬱草木盛貌 [唐白居易有木詩有木香萋萋

類篇萋草盛貌 [唐皇甫湜春心文章萋萋兮既長說文

萋草萋萋貌孔逢反唐皮日休九諷彼羣小之萋萋兮如

慕晁之螿蟬 [後漢書光武帝紀望氣者至南陽日氣佳

哉鬱鬱蔥蔥然南齊王儉靈丘竹賦幹蔥蔥而特秀 [唐

元結望仙府詩雲溶溶兮木琴琴琴音琛說文木枝條琴

儷貌徐曰繁蔚貌 [又] 韓愈感春詩疊疊新葉大王註疊

疊翠色貌 [又] 沈顏化洽亭記蘭蘭青青疎篁盈庭案揚

子太孛經萬物芄蘭註芄蘭茂密也蘭蘭當卽芄蘭之義

[又] 元結補樂歌植植萬物兮滔滔根莖 [宋玉高唐賦

涉莽莽馳萃萃文選李善註萃萃草貌劉良註草聚生貌

[唐韓愈孟郊城南聯句騁遙略萃萃 [集韻蕭眠見切音

麩蕭蕭草貌 [字彙囊囊去聲囊囊草貌 [說文蕭草木

華蕭蕭然也徐曰蕭之言涌也若水涌出也與恐反 [又]

半草盛半半也從生上下達也徐曰察草之生上盛者其

下必深根也甫蚤反 [无射楊柳方方倉庚囀止案方方



二字可從毛詩既方既臯實方實苞會意

業業業業言言危危翹翹危危危危險險戲戲攸攸

孽孽危也

詩大雅兢兢業業毛傳業業危也漢張衡西京賦反宇業

業文選註大屋飛邊頭瓦皆微使反上其形業業然通作

業宋石介慶曆聖德頌汝時小臣危言業業天雅崇墉

言言箋言言猶孽孽將壞貌又崇墉危危釋文危危魚

乙反韓詩云搖也又幽風予室翹翹毛傳翹翹危也

易困困于葛藟于跪跪疏正義曰葛藟引蔓纏繞之草跪

跪動搖不安之貌跪魚列切跪音兀跪或作鯨廣雅鯨鯨

跪跪危也後漢書黃瓊傳嶢嶢者易缺廣雅嶢嶢危也

孟子天下殆哉岌岌乎朱註岌岌不安貌漢書韋賢傳

岌岌其國師古註岌岌危動也漢枚乘七發險險戲戲

文選李周翰注險戲危貌戲許宜反唐柳宗元晉問攸

攸恤恤卒自既賊左傳湫乎攸乎註攸懸危也集韻孽

孽將壞貌

耳耳眴眴媯媯鞞鞞儒儒柔也

詩魯頌六轡耳耳朱傳耳耳柔從也管子小問篇苗始

其少也眴眴乎何其孺子也房註眴眴柔順貌穀苗始則

柔順故似孺子也漢王褒洞簫賦優媯媯以婆娑文選



李善註燒燒柔弱也李周翰曰柔雅貌燒伊烏切音杏

玉篇韜韜奕也奴答切音納 楊奐東遊記子美浮雲連

海岱平野入青徐登南樓詩也徐在南四百里青在東北

七百里海在東北又不啻千里岱岳百餘里二三千

遙一舉而至其與終身拘拘儒儒於百里之內者不亦異

乎說文儒柔也

嫋嫋裊裊集集在在姍姍在在邑邑削削爰爰霍霍靡靡燒燒

娜娜顛顛弱也

漢卓文君白頭吟竹竿何嫋嫋廣雅嫋嫋弱也嫋與裊通

晉陸機擬古詩白楊信裊裊文選李周翰註裊裊弱貌李

善作裊裊與裊同南朝宋鮑照妹令暉擬青青河畔草

樂府裏裏凌窗竹 北周庾信幽國公趙廣墓誌銘在在

風流廣雅集集弱也 北魏高允羅敷詩姍姍善趨步廣

雅姍姍弱也案詩小雅毛傳在在染柔意也在在集通染與

姍通魏曹植美女篇柔條紛冉冉說文作母云毛母母

也徐曰母母弱也魏王粲迷迭賦挺苒苒之柔莖母母苒

苒並與姍姍同說文嫋姍也姍弱長貌楚辭劉向九歎張

絳帷以檐檐兮風邑邑而蔽之王逸註邑邑微弱貌也

唐元稹夜池詩荷葉團團莖削削 晉傅孚李賦美弱枝

之爰爰 唐郭元超水藻賦霍霍靡靡洪興祖楚詞補註



霍靡弱貌霍音髓 唐元結訟木魅辭楮橈橈兮未堅

漢書外戚傳何姍姍其來遲藝文類聚作偏娜娜何冉冉

其來遲宋梅堯臣和永叔子履冬夕小齋聯句詩萬柳枝

娜娜 集韻顛顛頭貌一日弱也時鳩切音甚

纖纖 摻摻纖纖 纖纖縣縣繭繭碎碎屑屑霍霍靡靡疊疊絲絲

縷縷細也

詩魏風摻摻女手毛傳摻摻猶纖纖也荀子大略篇禍之

所由生也生自纖纖也楊倞註自纖纖微細纖通作摻唐

韓愈酬司門盧雲夫詩樓頭完月不共宿其奈就缺行摻

摻或作籤 太平經斂墨斂籤籤范望註籤息廉切籤籤少

也司馬光曰墨負也小人貪於聚斂喜見小利廣韻籤細

也爾雅釋水註澱澱有貌將廉切音尖瑯嬛記誰謂長

河水化為澱澱流 詩大雅縣縣瓜瓞疏微細之辭 禮

玉藻言容繭繭疏繭繭猶絲絲聲氣細微 晉陸機為周

夫人贈車騎詩碎碎纖細練 梁江淹水上神女賦雨屑

屑而稍落後漢書崔駰傳子笑我之沈滯吾亦病子屑屑

而不已也注屑屑猶區區也 南齊謝朓思歸賦睇微英

之霍霍集韻霍霍細貌 漢王延壽魯靈光殿賦何宏麗

之靡靡文選李善註靡靡細也郭璞方言註靡靡細好也

漢王褒洞簫賦被淋漓其靡靡文選註靡靡聲之細好也



世說新語張茂先論史漢靡靡可聽 一切經音義

亡匪反疊疊猶微微也 唐司空圖情賦雨絲絲兮霧暗

芳 又陸龜蒙送小雞山樵人序突晨烟兮蓬縷縷

低低 儻儻 瑣瑣 瑣瑣 交交 眇眇 眇眇 么么 區區 嗶嗶 庸庸 髦髦

翦翦 涓涓 礫礫 耿耿 芮芮 陘陘 微微 磨磨 恍恍 小也

詩小雅低低彼有屋毛傳低低小也 說文引詩作儻儻七

紫反石經作儻儻音徒玉篇小也 又音此義同 又小

雅瑣瑣姻亞毛傳瑣瑣小貌瑣或作瑣漢張衡東京賦既

瑣瑣焉文選註瑣瑣小也 案經典釋文瑣瑣素火反小也

或作瑣非瑣音早 又秦風交交黃鳥毛傳交交小貌

書顧命王再拜興答曰眇眇予末小子孔傳言微微我淺

末小子 太平經堅載蠟紗紗王涯註紗與眇同 小宋本紗

作么音幽云么微貌 元包經復么么 予予雷辰龍旋么

伊堯切說文小也 左傳襄十七年宋國區區而有詛有

祝釋文區區小貌漢書楚元王傳豈為區區之禮哉師古

註區區謂小也 晉語嗶嗶之德不足就也嗶嗶之食不

足狃也註嗶嗶猶小小也 漢書梅福傳毋若火始庸庸

註庸庸微小貌唐元宗妃江采蘋樓東賦嫉色庸庸如氣

沖沖 又鮑宣傳願賜數刻之間極竭髦髦之思師古註



翬翬猶蒙蒙也方言註翬翬小好貌音沐唐柳宗元龍城錄台人既辭去舟回如歸但覺風翬翬而過駢雅翬翬微薄也易賁束帛芟芟集韻芟芟淺小之貌芟將先切音箋又宗親切音津劉孟陽碑銘有父子然後有君臣理財正辭束帛芟芟唐書王叔文傳咕咕小人咕他叶切音帖正韻小貌太子經達小達大迷扁扁不救註扁必沔切司馬光曰扁扁狹小貌方言魏細也自關而西凡細而有容謂之魏郭註魏魏小成貌周禮地官小宰凡王之稍事鄭註云稍事有小事而飲酒重言之則曰稍稍說文郇國甸大夫稍稍所食邑也廣雅稍稍小也各本譌作

稍梢非

涼昭武王述志賦杪杪余躬杪彌沼切音藐方

言杪小也木細枝謂之杪

晉郭璞元帝哀策文藐藐孤

冲廣雅藐小也

漢王褒移金馬碧雞文剽剽碧雞處南

之荒爾雅釋樂疏剽小也

莊子庚桑楚今女又言而信

之若規規然若喪父母搗竿而求諸海也釋文規規細小

貌荀子非十二子篇睨睨然楊倞註睨與規同睨睨小見

之貌方言嬰細也秦晉之間凡細而有容謂之嬰注嬰嬰

小成貌

又德充符其脰肩肩釋文肩肩胡田反又胡恩

反李云羸小貌

又在宥篇翦翦註或云狹小之貌唐柳

宗元宋清傳彼之爲利不亦翦翦乎

孔子家語金人銘



涓涓不壅終爲江河說文涓小流也 唐萬齊融三日綠  
潭篇金沙礫礫窺魚泳說文礫小石也 楚辭劉向九歎  
進雄鳩之耿耿王逸註耿耿小節貌 說文芎芎草生貌  
讀若訥徐曰芎芎細兒若言蚊蚋也汝歲反本草註石龍  
芎生于石上其葉芎芎短小故名案潘岳西征賦藪芎于  
城隅者又百不處一註芎小貌 晉潘岳馬汧督誅陜陝  
窮城 又傳咸申懷賦微微小子又陸機感時賦魚微微  
以求偶獸岳岳而相攢 一切經音義厖厖莫可反三倉  
云厖微也亦細小也謂微細蟲也 說文佻小貌春秋國  
語曰佻飯不及一食是佻佻然小也骨庚反

種種董 促促婢婢几几屈屈剪剪芟芟子子子子短也

左傳昭三年余髮如此種種杜註種種短也種或作董羣  
經音辨董董短也左傳余髮董董今本作種種 晉陸機  
豫章行促促薄暮景文選劉良註促促短貌 說文婢婢  
短人立婢之貌婢傍下切音比 又鳥之短羽几几然慵  
朱切音及韻會冇鈎挑者爲几案之几不鈎挑者爲及鳥  
短羽也 篇海類編屈屈短貌渠勿切音屈 莊子在宥  
篇翦翦註李云短淺貌宋范成大寒亭詩早穗已垂垂晚  
苗猶翦翦 唐元稹山頭鹿樂府角芟芟尾促促貧兒多  
租輸不足案說文芟刈草也味元詩意芟芟促促俱當作



短小解廣雅子子短也一日無右臂又子子短也  
日無左臂

堇堇塵塵些些落落靡靡菁菁稀稀少也

漢書地理志豫章出黃金然堇堇註堇堇少也讀曰僅史  
記貨殖列傳作塵塵 舊唐書楊嗣復傳近日事亦漸好  
未免些些不公廣韻些寫耶切少也 晉陸機歎逝賦親  
落落而日稀友靡靡而愈索文選李善註落落稀貌靡靡  
盡貌張銑註靡靡少貌詩唐風其葉菁菁鄭箋菁菁稀少  
之貌 天祿閣外史魯王大酺賓客客曰有數仞之木其  
葉扶疎油然而陰不知蟲生其下以枯葉綢繆而為巢附

絲於枝上潛飲朝露旬日之間其葉稀稀向也扶疎而今  
則無完葉矣

盪盪宕宕闐闐寥寥荒荒皓皓廓廓鞞鞞阢阢囁囁窸窸坎坎

空也

漢書郊祀志求之盪盪如繫風捕影終不可得師古註盪  
盪空曠之貌盪音蕩與蕩同亦作宕魏曹植吁嗟篇宕宕  
當何依 漢書揚雄傳闐闐其寥廓師古註闐音浪闐  
闐空虛貌 晉潘岳寡婦賦仰神宇之寥寥文選劉良註  
寥寥空也呂氏春秋情欲篇九竅寥寥高誘註極三關之  
欲以病其身故九竅皆寥寥然虛 唐杜甫漫成詩野日



荒荒白 天戴禮衛將軍文子篇常以皓皓是以眉壽註皓皓虛曠貌鹽鐵論西域篇皓皓乎若無網羅而漁江海

唐書李密傳天下廓廓無事矣說文廓空也苦郭切與

韓通說文作鞞去毛皮也管子白心篇鞞乎其圓也鞞鞞

乎莫得其門唐樊宗師絳守居園池碑鞞鞞千幅鞞集韻

音忽郭切玉篇驚視也案鞞鞞鞞猶言廓廓也通雅引

管子作鞞鞞誤爾雅釋詁阮阮虛也註阮阮謂阮壑也

疏阮阮者坎陷之虛也玉篇口喞喞也虛加切集韻與

訝同谷中大空貌集韻窸窸空貌胡貢切音哄天子

經窮囊無糝其腹坎坎王涯註坎坎然空乏

冥冥 冥冥 暘暘 暘暘 昧昧 昧昧 暘暘梅梅 晦晦 晦晦 眈眈 眈眈 蒙蒙 蒙蒙 眈眈 朦朦 朦朦

夢夢 夢夢 昏昏 昏昏 墨墨 墨墨 杳杳 杳杳 惛惛 惛惛 惛惛 惛惛 惛惛 惛惛 惛惛 惛惛 惛惛 惛惛 惛惛 惛惛 惛惛 惛惛

曖曖 曖曖 曖曖 曖曖 眈眈 眈眈 眈眈 眈眈 眈眈 眈眈 眈眈 眈眈 眈眈 眈眈 眈眈 眈眈 眈眈 眈眈 眈眈 眈眈

闇黯黯 黮黮 眈眈 眈眈

詩小雅維塵冥冥朱傳冥冥昏晦也史記蘇秦傳豈揜於

眾人之言而以冥冥決事哉廣雅冥冥暗也或通作溟溟

歐陽詹明水賦阻溟溟之永夜又邶風曠曠其陰爾雅

釋天陰而風曰曠說文引詩作曠曠其陰云天陰塵也曠

曠並於計切書秦誓昧昧我思之史記屈原傳日昧昧

其將莫廣雅昧昧暗也古文尚書作眈眈又通作媒梅禮



玉藻視容瞿瞿梅梅疏梅梅猶微謂微昧也陳澹註梅  
梅猶昧昧楊慎方以智俱云音昧莊子知北遊媒媒晦晦  
無心而不可與謀釋文媒音妹李云媒媒晦貌又肱篋故  
天下每每大亂釋文引李註每每猶昏昏也集韻每謨杯  
切音枚正字通古尚書昧昧與梅梅媒媒每每通聲古人  
以聲狀義類如此 漢班彪北征賦日晡晡其將暮廣雅  
晡晡暗也 楚辭宋玉九辨願浩日之顯行兮雲蒙蒙而  
蔽之漢杜篤首陽賦卉木蒙蒙廣雅蒙蒙暗也與雲通爾  
雅釋天天氣降地不應曰雲註言蒙蒙暗疏書洪範曰雲註  
雲聲近蒙蒙闇也今洪範作曰蒙元包經屯雲雲胡公

𦉰𦉰同幽

宋晁補之求志賦及朦朦其將雨

詩小雅

視天夢夢朱傳夢夢不明也通作瞢周禮春官六曰瞢註  
一 日月瞢瞢無光也亦作懵梁江淹貽袁常侍詩懵懵雲外  
山懵同懵懵無知貌案集韻夢瞢懵俱有謨中彌登  
二切 孟子今以其昏昏使人昭昭唐歐陽詹送王式東  
遊序昏昏賢賢乎泥滓集韻昏昏音昏闇也管子四時論五  
漫漫六惛惛孰知之哉房註漫漫曠遠貌惛惛微暗貌五  
謂每時之政其理曠遠六謂陰陽四時其理微暗案昏昏  
並與昏同義 又四稱篇政令不善墨墨若夜註言其昏  
闇之甚也新序雜事篇晉平公閒居師曠侍坐平公曰甚



矣子之墨墨也師曠曰天下有五墨墨臣之墨墨小墨墨耳宋何夢桂虎圖行陰崖幽幽雲墨墨漢張衡思子賦日杳杳而西匿王逸九思眾穢盛兮杳杳玉篇今謂物將敗時顏色黤黤也魏王粲登樓賦天慘慘而無色文選李善註通俗文暗色曰黤慘與黤古字通左傳僖五年天策焯焯杜註天策傳說星時近日星微焯焯無光耀也禮檀弓質質然來鄭註質質曰不明之貌高誘註呂覽引作膏膏然來唐韓愈猗蘭操雪霜質質齊麥之茂質莫候切音茂與督同梁何遜七召晉督填乎溝壑易林威之大過眈眈寐寐公懷大憂說文寐之言迷也不明之意

晏子春秋星之昭昭不如月之曖曖離騷時曖曖其將

罷王逸註曖曖昏昧貌太子經菅測曰菅菅之離中夢

夢也夢音愛爾雅釋言夢隱也元顧瑛碧梧翠竹堂詩高

堂梧與竹飄飄排空青雲曖曖三字並烏代切音愛義

亦通晉左思吳都賦萬物蠢生芒芒黠黠文選李善註

杜篤論都賦曰蠢生萬類黠黠不明李周翰註芒芒黠黠

氣不明貌也黠許既切晉陸機歎逝賦何視天之茫茫

文選呂向註茫茫不明也李善作芒芒曰芒芒猶夢夢也

易緯是類謀望之莫莫視之盲盲漢司馬相如長門

賦望中庭之藹藹文選李善註藹藹月光微闇之貌漢



班固幽通賦心矇矇猶未察詩疏矇者言其矇矇然無所見故知有眸子而無見曰矇 晉陸機文賦理翳翳而愈伏文選呂延濟註翳翳暗貌 楚辭王逸九思時眇眇兮旦旦註日月始出光明未盛為眇一作眇 楚辭天問明明闇闇惟時何為闇烏紺切音暗 晉陶潛祭程氏妹文黯黯高雲說文黯深黑也乙減切 唐杜甫梅雨詩黯黯長江去說文黯青黑也於檻切一切經音義黯黯烏感反黯黯不明也 集韻靐月不明虎孔切音噴 榛榛蕪蕪莽莽荒穢也

漢書揚雄傳枳棘之榛榛兮狻猊擬而不敢下註榛榛梗

穢貌 爾齊謝朓遊後園賦上蕪蕪兮蔭景 左傳暴骨

如莽註草之生於曠野莽莽然故曰草莽 唐李商隱祭

楊郎中文荒荒宿莽

汶汶莫莫拂拂塵塵哀哀垢垢也

楚辭漁父安能以身之察察受物之汶汶者乎王逸註汶

汶蒙垢塵也洪興祖補註汶音門一音民 漢書揚雄傳

莫莫紛紛山谷為之風叢林叢為之生塵師古註莫莫塵

埃貌楚辭王逸九思塵莫莫兮未晞註莫莫合也 楚辭

劉向九歎飄風蓬龍埃拂拂兮王逸註拂拂塵埃貌一作

淳洪興祖補註拂音佛塵起也淳音同 又王褒九懷靈



土忽兮塵塵王逸註風俗塵濁不可居也塵一作梅洪興  
祖補註塵音梅塵也 石鼓文趨趨襲襲楊慎音釋襲大  
來切今作哀煙塵也

疊雅卷二

樂亭 史夢蘭 香厓

綽綽繚繚伎伎閑閑爰爰爰爰噶噶噶噶靡靡靡靡遲遲泄泄徐徐

茶茶緝緝緝緝執執執執縵縵縵縵川川川川欵欵欵欵舒舒舒舒緩緩也

詩小雅綽綽有裕爾雅釋訓綽綽緩也 又檀車幘幘韓

詩作縵縵廣雅縵縵緩也說文縵偏緩也昌善切 又鹿

斯之奔維足伎伎毛傳伎伎舒貌駢雅伎伎舒緩也 又

大雅臨衝閑閑朱傳閑閑徐緩也 又王風有兔爰爰毛

傳爰爰緩意集韻後後兔行兒通作爰 又大車噶噶朱

傳噶噶重遲之貌唐韻引作噶噶 又行邁靡靡毛傳靡



靡猶遲遲也疏靡靡行舒之意玉篇丩部引詩傳作行邁

徯徯又邶風行道遲遲毛傳遲遲舒行貌幽風春日遲

遲毛傳遲遲舒緩也又邶風雄雉于飛泄泄其羽朱傳

泄泄飛之緩也大雅無然泄泄孟子泄泄猶沓沓也朱註

怠緩悅從之貌易困來徐徐釋文徐徐疑懼貌馬云安

行子夏易傳作茶茶虞註茶茶舒遲也茶讀爲舒古文假

借字王肅作余余說文余語之舒也廣雅緝緝緩也玉

篇緝充善切緝緝猶綵綵也廣雅扒扒緩也扒渠尤切

集韻扒扒緩持也虞帝卿雲歌卿雲爛兮紉縵縵兮日

月光華旦復旦兮韻補縵叶莫半切緩縵也天子經難

大車川川范望註川川重遲之貌宋陸王本川川作《《

吳曰《古川字一唐杜甫秋興詩點水蜻蜓款款飛采梅

堯臣送石昌言使匈奴詩莽莽黃塵車款款後漢書馬援

傳御款段馬註款猶緩也言形段遲緩也唐韓愈此日

足可惜詩淮之水舒舒

肅肅捷捷薄薄瀟瀟偈偈竭竭揭揭漂漂發發駸駸兢兢惕惕騷騷

赫赫躍躍沓沓縱縱從從從從蕪蕪湯湯蕩蕩駭駭汨汨瀏瀏駈駈

駈駈駈駈駈駈勃勃忽忽倏倏激激驚驚烈烈溘溘霍霍岌

岌颺颺警警警警警警駈駈駈駈疾疾也

詩召南肅肅宵征毛傳肅肅疾貌又大雅征夫捷捷毛



傳捷捷言樂事也朱傳疾貌 又齊風載驅薄薄毛傳薄  
薄疾驅聲也 又鄭風風雨瀟瀟毛傳瀟瀟暴疾也 又  
檜風匪車偈兮毛傳偈偈疾驅非有道之車疏偈偈輕舉  
之貌故為疾驅 又匪車嘒兮毛傳嘒嘒無節度也疏由  
疾故無節亦與上同偈通作竭易林渙之乾焱風阻越車  
馳竭竭棄名追亡失其和節漢書王吉傳引詩作揭義亦  
同 又小雅飄風發發毛傳發發疾貌 又載駮駮駮毛  
傳駮駮駮貌梁簡文納涼詩斜日晚駮駮說文兢兢銳意  
也子林切正韻通用駮 禮玉藻凡形容惕惕鄭註惕惕  
直疾貌也音傷 又檀弓故騷騷爾則野鄭註騷騷謂太

疾 劉向九歎聊假日以須臾兮何騷騷而自放 爾雅

釋訓赫赫躍躍迅也註皆盛疾之貌案躍樊光本作濯引

詩云濯濯厥靈 漢書樂志騎沓沓師古註沓沓疾行也

漢揚雄甘泉賦風縱縱而扶轄文選李善註縱縱疾貌

音竦漢書作從從師古註從從前進之意也宋玉九辨後

輜桑之從從註即從從也 南朝宋鮑照蕪城賦菽菽風

威文選李善註菽菽風聲勁疾之貌南史王晏傳晏見屋

椽子悉是大蛇就視之猶木也晏惡之方以紙裹椽子猶

紙內動搖菽菽有聲 漢東方朔七諫疾風過之湯湯王

逸註湯一作蕩一云疾風舒之蕩蕩 唐韓愈鄆州谿堂



詩其鼓駭駭楊慎云疾雷擊鼓曰駭即韓文所謂駭也

方言汨遙疾行也南楚之外曰汨或曰遙郭註汨汨急貌

也干筆反唐杜甫自閬州赴蜀山行詩汨汨避羣盜汨字

从曰 宋玉九辨乘騏驥之瀏瀏兮馭安用夫疆茨王逸

註衆賢並進職事修也洪興祖補註乘與乘同瀏流柳二

音水清也案瀏一作風疾解此用瀏瀏殆有捷疾意魏文

帝述征賦馳萬騎之瀏瀏句本此 方言馭馬馳也郭註

馭馭疾貌也索答反 玉篇馭馭驟也土洽切音蝶 石

鼓文右驂馭馭从矢矢有急疾之意字彙改從夫非鄭音

速案本文諧奕德韻非速音 宋田晝華清宮詞策駿駿

兮奔螭爾雅釋詁駿速也鄭詩周頌箋駿疾也 揚子法

言淵騫篇異以揚之勃勃乎其不可及乎五臣音註宋咸

曰勃勃輕迅貌 劉向九歎年忽忽而日度洪興祖補註

忽忽去速也 唐蔣王暉五色卿雲賦英倏倏也倏式竹

切音叔本作儵 漢戰城南樂府水深激激說文激礙表

疾波也 唐皮日休霍山賦有雲驚驚其勃如怒有泉烈

烈其來如決騫音務玉篇奔也疾也方言烈暴也戰國策

註烈猛也案猛暴皆疾意 孔叢子儒服篇堯舜千鍾孔

子百觚子路盍盍尚飲一榼說文盍奄忽也口荅切唐李

賀塘上行飛下雉鴛鴦塘水聲盍盍 宋劉子翬諭俗詩



晚電明霍霍古木蘭詩磨刀霍霍向猪羊 晉潘岳笙賦

雪煜焱焱文選李周翰註雪煜焱焱及急疾貌 梁陶宏景

尋山誌鹿麕麕而來羣麕俗省作麕 王逸九思日警警

兮西沒唐沈佺期入少密溪詩游魚警警雙釣童說文警

過目也徐曰警然暫見也匹茂切與警通廣韻警警日落

勢也 說文驚馬行徐而疾引詩駟牡驚驚以諸切音余

說文繫傳引魏文帝書云書記翩翩言疾速也

淠淠蠢蠢蠢蠢業業倥倥蟻蟻蟻蟻蟬蟬蟬蟬搜搜搜搜戢戢戢戢歛歛歛歛歛歛歛歛歛歛歛歛歛歛歛歛

躁躁躁躁蹶蹶蹶蹶感感感感歛歛歛歛歛歛歛歛歛歛歛歛歛歛歛歛歛歛歛歛

歛歛也

詩小雅其旂淠淠毛傳淠淠動也 又蠢爾蠻荆疏我所

伐者乃蠢蠢爾不遜之蠻荆晉書天文志庶物蠢蠢說文

蠢蠢動也通作蠢左傳昭二十四年今王室實蠢蠢焉杜

註蠢蠢動擾貌說文引春秋傳作蠢蠢尺允切又與倥通

百虎通義五行篇春之為言倥倥動也 又大雅赫赫業

業毛傳業業然動也 淮南子天文訓斗指寅則萬物蟻

蟻也高誘注動生貌蟻羊進切音釗 又俶真訓無無蟻

蟻將欲生興而未成物類 楚辭王逸九思羆貉兮蟬蟬

後漢書馬融傳蟻蟻蟬蟬充衢塞路註蟻音而充反說文

曰動也蟬音似林反亦動貌也 易緯是類謀期防萌萌



之衝註防其萌萌之始動 莊子寓言篇景曰搜搜也奚  
稍問也郭註動運自爾無所稍問釋文搜本又作叟同素  
口反又音蕭向日動貌屈原九歌風颯颯兮木蕭蕭王逸  
註蕭蕭文苑作搜搜洪興祖補註搜搜動貌與蕭同 又  
王逸九思心怛傷之愴愴註肝膽剖破血凝滯也集韻愴  
杜覽切動也 漢張衡思卒賦寒風淒其永至今兮拂穹岫  
之騷騷文選註引毛詩傳曰騷動也南齊謝朓酬德賦意  
搔搔以杼柚搔與騷通又通作燥漢蔡邕述行賦山風泊  
以飈涌兮氣燥燥而厲涼燥蘓遭切說文動也本作慄隋  
書李德林傳軍中慄慄人情大異說文慄動也 莊子至

樂篇支離叔與滑介叔觀於冥伯之丘崑崙之虛黃帝之  
所休俄而柳生其左肘其意蹙蹙然惡之釋文蹙蹙紀術  
反動也亦作蹙太卒經卒錯勤蹙蹙 太卒經迎卒黃相  
迎其意蹙蹙 元包經大壯厲仡仡趨歛歛傳歛歛動也  
歛許勿切本作歛通雅王國寶謂王緒曰汝爲此歛歛曾  
不慮獄吏之爲貴乎歛歛猶言倏忽速變之意歛許勿切  
說文有所吹起也陸法言曰暴起也二火三火義同 莊  
子在宥篇挈汝適復之撓撓註撓撓自動也 集韻撓撓  
動貌弋涉切音葉或從三耳 又歛歛氣動貌尺涉切音  
詔 廣雅蜿蜿蠕蠕也集韻引廣雅蜿蜿蠕蠕動也 毛



詩大雅傳歆動也姜嫄出祀郊禘見大人跡而履其拇遂歆歆然如有人道之感

莫莫莫莫絲絲民惛惛深深蟄蟄默默微微寂寂莫莫肅肅

悄悄謐謐恬恬靜也

詩小雅君婦莫莫毛傳莫莫言清靜而敬至也文選古詩

脈脈不得語廣韻引作嘆嘆玉篇莫嘆音義同又通作漠

荀子解蔽篇掩耳而聽者聽漠漠而以為啍啍楊倞註漠

漠無聲也又大雅絲絲翼翼毛傳絲絲覩也釋文絲如

字韓詩作民民同案覩與靜通魏稽康琴賦惛惛琴德

文選註惛惛和靜貌莊子大宗師其息深深註深深不

躁釋文李云內息之貌又天運篇蟄蟄始作吾驚之以

雷霆釋文蟄沈執反郭音執爾雅云蟄靜也又在宥篇

至道之極昏昏默默漢張衡南都賦清廟肅以微微文

選註微微幽靜貌南史王融傳融自恃人地三十內望

為公輔及為中書郎嘗撫案歎曰為爾寂寂鄧禹笑人說

文寂無人聲也本作宗廣韻靜也元包經莫莫閨嬪莫

音模嫫本字又莫白切音陌廣韻靜也晉潘岳寡婦賦

墓門兮肅肅文選張銑註肅肅靜貌唐白居易西樓夜

詩悄悄復悄悄城隅隱林杪梁江淹靈丘竹賦上謐謐

而留閒爾雅釋詁謐靜也唐元稹高荷詩不學著水荃



一生長怙怙玉篇怙靜也

婉婉委委彎彎絲嶠嶠曲也

離騷駕八龍之婉婉王逸註言已乘八龍神智之獸其狀

婉婉委委錢杲之集傳婉婉曲折貌一作婉婉說文委

隨也於為切徐鉉曰曲也从禾垂穗委曲之貌唐樊宗師

絳守居園池記淹淹委委唐張藉樵客吟竹擔彎彎向

身曲石鼓文絲絲函弓楊慎音釋絲當作彎案絲古還切

音關彎之用絲猶孟子彎弓之用關弓也唐柳宗元夢

歸賦山嶠嶠以巖立孟子註山曲曰嶠

九九挺挺脰脰脰脰肩肩倨倨直也

詩商頌松柏九九毛傳九九易直也朱傳直也左傳襄

五年周道挺挺杜註挺挺正直也唐書魏謩傳贊謩之議

論挺挺有祖風烈儀禮少牢饋食禮脰脊疏脰者取脰

脰然直漢書楊敞子惲傳事何容易脰脰者未必全也

師古註脰脰直貌也駢雅倨倨也莊子德充符其脰肩

肩註簡文云肩肩直貌釋名倨倨也倨倨然直亦言在

後常見踞也

規規團團專專敦敦旋旋圓圓員員完完團也

文苑英華海日初出賦規規質圓漢班婕妤怨歌行裁

為合歡扇團團似明月通作專宋玉九辨意專專之不可



化王逸註專專卽團團也又通作敦詩幽風有敦瓜苦疏  
夏生專專然專音團又通作顓賈捐之棄珠崖議顓顓獨  
居一海之中漢書師古註顓與專同專專猶區區也一曰  
團貌也又通作搏宋玉九辨乘精氣之搏搏王逸註謂團  
結也考工記梓人小首而長搏身而鴻註搏徒丸反圓也  
唐皮日休網詩閑來發其機旋旋沈平綠莊子註旋圓也  
去聲 陳徐陵裴使君墓誌明月圓圓通作員梁吳均  
筆格賦上管則員員峻逸若九疑之爭出 唐韓愈月蝕  
詩月形如白盤完完上天東又酬司門盧雲夫詩樓頭完  
月不共宿朱註月蝕詩有完完上天東之句言月圓也此

亦同意

臙臙臙臙 每每每每 濯濯濯濯 駟駟駟駟  
每每每每 每每每每 駟駟駟駟 駟駟駟駟

便便油油臙臙復復膏膏 膏臙臙肥也

詩大雅周原臙臙毛傳臙臙美也箋周之原臙臙然肥美

臙音武韓詩作臙臙音梅 晉左思魏都賦臙臙垌野

文選劉淵林註臙臙美也廣雅臙臙肥也臙與每通左傳

僖二十八年原田每每舍其舊而新是謀每亡回反又梅

對反亦作莓北周庾信奉和趙王喜雨詩原野自莓莓廣

韻莓莓美田也魏應瑒迷迭賦動採葉之莓莓晉左思魏

都賦蘭渚莓莓文選註草青蒼也劉良曰莓莓盛貌亦作



母說文作母南朝宋謝靈運石室山詩苒苒蘭渚急案諸家訓解青蒼美盛俱肥貌 又大雅麀鹿濯濯白鳥翯翯毛傳濯濯娛遊也翯翯肥澤也箋鳥獸肥盛喜樂言得其所疏娛樂遊戲亦由肥澤故也二者互相足朱傳濯濯肥澤貌翯翯潔白貌漢書司馬相如傳濯濯之麟游彼靈峙註文穎曰濯濯肥也 又小雅四牡龐龐毛傳龐龐充實也本作驪盧東切音籠玉篇驪驪充實貌 又魯頌駟駟牡馬毛傳駟駟良馬腹幹肥張也 說文駟馬盛肥也引詩四牡駟駟徐曰今詩作彭居屏反 說文唯鳥肥大唯唯也戶工切音洪或作嗚 方言臑脂也郭註脂脂肥充

脂音突後漢書邊韶傳韶嘗畫卧弟子私嘲之曰邊孝先腹便便註便蒲堅反 晉左思魏都賦油油麻紵文選李善註聲類曰油油麻肥也 說文益州鄙言人盛諱其肥謂之臑如往反廣雅臑臑肥也 集韻奘迄力切音施廣雅奘奘肥也 五音篇海奘許慧切肥貌廣雅奘奘肥也案字典大部六畫有奘字顯計切音殫盛也肥大也又顯結切音絜義同奘字在補遺大部 集韻臑胡典切音峴廣雅臑臑肥也

樂樂樂樂 嚴嚴衰廉廉巖巖 瓶瓶瓶瘦也 詩檜風棘人樂樂兮箋樂樂瘦瘠也說文引作樂樂 蔓蔓遺



反廣韻落官切音鸞 莊子天下篇今墨子獨生不歌死

不服桐棺三寸而無槨其生也勤其死也薄其道大觳郭

註觳無潤也苦角反音覺義與瘠同宋劉敞東平樂交池

亭記觳觳者墨術也 太平經衆兵衰衰注衰衰瘦瘠之

貌也 晉摯虞疾愈賦體顏廉廉而轉損 唐薛能吳姬

詩眼波嬌利瘦巖巖 魏丁廙妻寡婦賦顧顏貌之施施

對左右而掩泣文選潘岳寡婦賦註引作丁儀妻顏貌作

頰貌施施作瓶瓶云瓶普楹切案說文施縹色也普丁切

縹帛青白色廣韻青黃色也說文訓施爲縹色蓋言其色

之青黃也施與頰同宋玉神女賦頰薄怒以自持文選李

善註廣雅頰色也方言曰頰怒色青貌施施正用此意若

楚辭遠遊云玉色施以脫顏王逸註云面目光澤以鮮好

則又別爲一義矣

杲杲皓皓 皜皜皜皜 景景皎皎 皦皦皦皦 皦皦皦皦 皦皦皦皦

皦皦皦皦 皦皦皦皦 皦皦皦皦 皦皦皦皦 皦皦皦皦 皦皦皦皦

詩衛風杲杲出日廣雅杲杲白也陳新蔡王籟記雪賦色

一杲杲而返母 又唐風白石皓皓小爾雅皓白也皓通作

皜又作皜梁江淹思北歸賦上皜皜以臨月又通作顯楚

辭大招天白顛顛說文顛白貌從頁從景徐曰景日月之

光明白也廣雅景景白也皓又通作皜廣雅皜皜白也又



與瀉通漢司馬相如上林賦霽乎瀉瀉文選李善註瀉瀉水白光貌也案集韻皓皜曷顯皜並下老切音昊

小雅皎皎白駒朱傳皎皎潔白也皎通作皦後漢書周舉

傳語曰曉曉者易缺皦皦者易汚韓詩外傳新沐者必

彈冠新浴者必振衣莫能以已之皦皦容人之混汚廣雅

皦皦白也晉何晏景福殿賦皦皦白鳥說文皦鳥之白

也與皦同詩大雅白鳥皦皦孟子白鳥鶴鶴賈子禮作白

鳥皦皦皦又作皦廣雅皦皦白也史記秦本紀皦皦黃

髮通作番書秦誓番番良士釋文番音波與皦同漢劉

歆遂初賦漂積雪之皦皦晉左貴嬪離思賦霜皦皦而依

庭說文皦皦霜雪之白也五來切又魚衣切音沂與澧通

漢枚乘七發浩浩澧澧如素車白馬帷蓋之張文選李善

註澧澧高白之貌說文攢好手貌引詩攢攢女手方言

攢攢白也釋名七十日耄頭髮白耄耄然也晉陶潛

還江陵夜行塗口詩晶晶川上平文選李善註說文通白

曰晶晶明也李周翰註晶晶謂月光照水上平淨貌案今

說文晶顯也讀若皎無通白曰晶四字唐杜牧懷鍾陵

舊遊詩白鷺煙分光的的廣雅的白也集韻皦皦白色

黹黹黹曇曇黹黹黹黹黹黹也

晉束皙補亡詩黹黹重雲文選李善註黹黹黑貌黹他感



切 [晉左思魏都賦] 黝黝桑柘文選李周翰註黝黝黑也

黝於糾切 [晉陸雲愁霖賦] 雲臺臺而疊結 [玉篇] 臺臺黑

雲貌 [魏陳琳柳賦] 蔚皇皇其杳靄 [玉篇] 黑雲行黝黝也

徒對切音隊 [唐元宗慶唐觀紀聖銘] 黝黝一色黝都感

切 [後魏孝文帝弔比干文] 狂夫黝黝其若翳 [唐歐陽詹

泉州六曹新都堂記] 晦黝黝以祕邃黝同黮烏閑於仁二

切 [玉篇] 黑也 [說文] 黝果實黝黝黑也從黑夨聲

黝施形形眙眙赤也

[南朝宋鮑照河清頌] 施施嶺丹施許極切音爽 [說文] 大赤

也 [漢王延壽魯靈光殿賦] 彤彤靈宮 [漢張衡西京賦] 漸

臺立於中央赫眙眙以宏做文選李善註埤蒼曰眙赤文

也眙音尸

蒼蒼俗裕芊芊漂漂青也

[爾雅] 春為蒼天註萬物蒼蒼然生 [說文] 裕望山谷裕裕

青也从谷千聲七縣反 [宋王高唐賦] 仰視山巔肅何芊

芊文選李周翰註芊芊山色也 [晉潘岳藉田賦] 碧色肅其

芊芊文選李善註芊芊碧貌 [釋名] 縹猶漂也漂漂淺青

色也

穢穢郁郁彬彬份份斌斌彪彪陽陽鶯鶯采采彩般般斑斑

斐斐菲菲眙眙雕雕章章絢絢修修三三文也



論語郁乎文哉郁與或通並音於六切廣雅或文也晉  
 張華瓊材枕賦或或其文說文繫傳或或文章也論語郁  
 郁乎文哉本作此或假借郁字或者川流也宋王或字景  
 文又假借或字皆非本文又彬字註引論語作或或論  
 語文質彬彬包註彬彬文質相半之貌也朱註彬彬猶班  
 班物相雜而適均之貌說文引論語作文質份份宋書樂  
 志時邕份份六合同塵通作斌漢蔡邕答卜元嗣詩斌斌  
 碩人貽我以文又通作玢宋史夏侯嘉正傳彪彪玢玢  
 音彬廣韻文采狀也說文彪虎文唐獨孤及酬王諫議詩  
 關西仕時俱雅容彪彪之鬚始相逢詩周頌龍旂陽陽

毛傳陽陽言有文章也又小雅有鶯其領毛傳鶯鶯然  
 有文章也又曹風采采衣服朱傳采采華飾也采通作  
 彩唐李暹內人馬伎賦耀雜糅之彩彩漢書司馬相如  
 傳般般之獸師古註謂騶虞也般與斑同耳从丹青之丹  
 更記司馬相如傳作般般註索隱曰般般文采之貌案般  
 般斑班音義並同太平經文文質班班萬物粲然魏曹植  
 魏德論謳班班者鳩皆以班為斑孟子頌白者趙註頌者  
 斑也頭半白斑斑者也韓詩外傳斐斐文章太平經昆  
 白黑菲菲註菲敷尾切與斐同王涯曰白黑菲菲分別明  
 白之義司馬光曰菲菲白黑相雜貌方言效疇文也郭







皇福殿賦馥馥芬芬文選呂延濟註馥馥芬芬香氣也

唐李商隱扶風界見梅花詩非時裊裊香裊音邑類篇香

襲衣也

茁茁育育駝駝生也

詩召南彼茁者葭孔疏言彼茁茁然出而始生者葭草也

晉劉琨答盧諶詩彼黍離離彼稷育育文選劉良註育育

生長貌管子小問篇浩浩者水育育者魚釋名寒粥末稻

米投寒水中育育然也 晉左思吳都賦萬物蠢生茫茫

駝駝韻會駝駝物生貌許既切

蒸蒸疊疊冉冉冉冉淫淫將將炎炎乾乾鏘鏘逝逝至

至進也

書堯曲蒸蒸乂不格姦孔傳蒸進也通作蒸史記酷吏傳

贊吏治蒸蒸不至於姦漢書作蒸蒸 漢書張敞傳疊疊

不舍晝夜漢張衡思子賦時疊疊而代序文選劉良註疊

疊進貌晉左思吳都賦清流疊疊文選呂向註疊疊淥水

徐進之勢晉陸機赴洛詩疊疊孤獸騁文選李善註疊疊

走貌也疊亦作疊漢書王莽傳疊疊翼翼 離騷老冉冉

其將至廣雅冉冉進也 淮南子諡言訓善博者不欲牟

太平御覽引註云牟大也進也進謂之牟故進取利謂之

牟利重言之則曰牟牟廣雅牟牟進也 管子內業篇淫



淫乎與我俱生註淫淫增進貌 荀子賦篇道德純備讒  
口將將楊倮註將去也言以讒言相退送或曰將將讀爲  
鏘鏘進貌 吳語日長炎炎韋昭註炎炎進貌 呂氏春  
秋士容篇乾乾乎取舍不悅而心甚素樸高誘註乾乾進  
不倦也 太卒經上上其純心挫厥鏘鏘註鏘音讒王涯曰  
鏘鏘銳進貌 又對獨峙逝逝利小不利大 說文逝往也  
元包經明至至原註至音臻正字通趙古則曰至卽刃  
切音進前往也

揖揖 戢戢戢戢 敦敦 性性總總 林林 葺葺 樽樽 樽樽樽樽 叢叢 藂藂  
簇簇 族族攢攢纂纂 蔞蔞 蔞蔞蔞蔞 追追 稷稷旬旬湊湊 汔汔

屯屯

詩周南羔斯羽揖揖兮毛傳揖揖會聚也揖側立切音戢  
與澁通小雅爾羊來思其角澁澁毛傳聚其角而息澁澁  
然朱傳王氏曰澁澁和也羊以善觸爲患故言其和謂聚  
而不相觸也詩註魚口噉水澁澁然羊之角多似之鄭箋  
云澁又作解亦作戢唐杜甫觀打魚詩小魚脫漏不可紀  
半死半生猶戢戢 元稹立部伎詩戢戢攢鎗霜雪耀案  
解或作觶角多貌唐宋之間始安秋日詩卷雲山觶觶集  
韻戢澁觶並側立切 又大雅敦彼行葦毛傳敦聚貌  
疏周先王忠厚之至見敦敦然道旁之葦乃禁牧者勿得



踐履折傷之 又牲牲其鹿釋文牲牲所中反聲類云聚也離騷紛總總其離合王逸註總總猶傳傳聚也 唐柳宗元貞符惟人之初總總而生林林而羣 晉左思魏都賦嘉穎台穗以萑萑廣雅萑萑聚也萑茲損切音搏與搏通漢揚雄甘泉賦齊總總搏搏其相膠葛兮漢書師古註總總搏搏聚貌也文選李善註束聚貌也搏或作搏通作傳唐張楚金透撞童兒賦傳傳就日廣雅傳傳衆也案傳傳或作譚譚同樽聚語也又通作蹲南朝宋鮑照擬行路難荆棘鬱蹲蹲霄黎逢通天臺賦蹲蹲捧日左傳成十六年蹲甲而射之杜註蹲聚也釋文蹲在尊反徐在損尸

尚書大傳則雲叢叢鄭註叢一作族新書修政語下篇萬民藜藜一人理之藜同叢說文藜聚也 石鼓文射之簇簇唐韓愈祖席詩野晴山簇簇白虎通義簇者湊也通雅簇簇一作族族說文矢鋒也束之族族也又通作族 晉潘岳笙賦歌棗下之纂纂文選李善註古咄咄歌曰棗下何攢攢攢聚貌也攢與纂古字通 楚辭招魂蝮蛇綦綦王逸註綦綦積聚之貌唐柳宗元襄陽丞趙君墓誌百越綦綦 晉傅孚鬱金賦英蘊蘊而金黃玉篇蘊聚也 漢張衡西京賦麇鹿麇麇劉良註麇麇攢立貌 禮郊特牲母追疏母發聲追猶堆也母音牟釋名牟追牟昌也言其



形冒髮追追然也 莊子則陽篇是稷稷者何爲者耶釋  
文稷音摠字亦作摠李云聚貌 關尹子八籌篇鳥獸俄  
旬旬通雅旬旬言聚而視也 墨子尙同篇今若天飄風  
苦雨湊湊而至者此天之所以罰百姓之不上同於天者  
也註湊同臻太平御覽作臻 唐盧肇閱城君廟記汔汔  
檣檣汔許訖切音迄爾雅釋詁疏孫炎曰汔近也郭璞曰  
謂相摩近 柳宗元答周君巢書屯屯而居屯音豚 采  
周邦彥汴都賦齷齷齷齷案字書無齷字當是齷字之譌  
齷音淵說文鳥羣也齷音雜說文羣鳥也  
禮禮卽卽儲儲肫肫菱菱積也

漢書樂志禮禮卽卽註孟康曰禮禮崇積也卽卽充實也  
師古曰禮音五回反通雅卽卽與積積同意廣雅積積也  
說文積禾也引詩積之秩秩今周頌作積 靈樞經太陽  
之人其狀軒軒儲儲註軒昂蓄積也 西京雜記廣川王  
去疾發掘冢墓床上石枕一枚塵埃肫肫甚高似是衣服  
漢張衡東京賦旅束帛之菱菱文選薛綜註菱菱委積  
之貌梁江淹學騷石菱菱兮水成文又閩中草木頌石瀨  
菱菱

糾糾繚繚繞繞絞絞繆繆纏也

詩魏風糾糾葛屨毛傳糾糾猶繚繚也釋文繚音了沈音



遼 益都方物記龍羊形似畜羊而大其角繚繚黑質而

白文 後漢書仲長統傳任意無非適物無可古來繞繞

委曲如瑣 南齊謝朓思歸賦夜索絢而繞繞 唐邵諤望

氣經綿綿絞絞兵氣也 宋王安石和王勝之雪霽借馬

入省詩鼻息凍合髭繆繆繆音繆絞也又音聊 集韻繆繆

絲貌

連連繩繩絲絲 民繹繹 圍圍驛驛 井井生生彤彤綴綴絡絡聯

綿續續隱隱展展衮衮 繼承承庚庚輻輳輳輳 聖壘累累 累縲縲屬

也

詩大雅執訊連連朱傳連連屬續貌莊子駢拇篇則仁義

又奚連連如膠漆纏索而遊乎道德之間為哉司馬註云

連連謂連續仁義遊道德間也 又周南宜爾子孫繩繩

兮朱傳繩繩不絕貌尚書大傳微子過殷墟見麥秀之薪

薪兮禾黍之繩繩也曰此父母之邦乃作歌案楊慎引作

蠅蠅誤音左思魏都賦繩繩八區文選張銑註繩繩衆也

案不絕即從衆字生義 又周頌縣縣其鹿釋文縣如字

韓詩作民民云衆貌庶表嬌反芸也疏王肅云芸者其衆

縣縣然不絕也 又魯頌以車繹繹朱傳繹繹不絕貌漢

書揚雄傳迺望通天之繹繹師古註繹繹相連貌又小雅

四壯奕奕朱傳奕奕連絡布散之貌說文圍回行也引逸



書圍圍升雲半有半無讀若驛羊益切徐鍇曰洪範卜五  
曰雨曰霽曰蒙曰圍曰克圍者氣象絡繹不絕也今尙書  
作驛通雅云繹繹一作圍圍通作驛驛奕魯頌以車繹  
繹釋文崔本作驛驛廣釋名曰奕之下子亦謂其連絡奕  
奕也繹驛圍奕音義並通 易井往來井井王弼註井井  
往來連屬貌 又繫辭生生之謂易疏生生不絕之辭  
公羊傳宣八年註彤者彤彤不絕爾雅釋天商曰彤孫註  
彤者相尋不絕之意 荀子非十二子篇綴綴然楊倞註  
綴綴不乖離之貌謂相連綴也 南齊謝朓永明樂絡絡  
結雲騎 元包經井機聯聯唐韓愈庭楸詩明珠何聯聯

唐白居易琵琶行低眉信手續續彈一漢張衡西京賦  
商旅聯楹隱隱展展文選李周翰註隱展相連屬貌 晉  
書王戎傳裴頠論前言往行袞袞可聽唐杜甫醉時歌諸  
公袞袞登臺省 唐韓愈平淮西碑聖子神孫繼繼承承  
陳沈炯六甲詩庚庚聞鳥嘯毛詩傳庚續也 唐柳宗  
元晉問輻輳輳音雷廣韻輳輳車屬也揚雄羽獵賦  
繽紛往來輻輳不絕 漢書石顯傳印何纍纍綬若若耶  
師古註纍纍重積也又五行志註纍纍不絕之貌漢丁令  
威詩何不學仙冢纍纍通作壘晉潘岳懷舊賦墳壘壘而  
接隴文選李善註廣雅曰壘重也六臣本作纍纍墳隴接



連貌禮樂記纍纍如貫珠釋文纍本作累易林恆之小過  
疊疊累累如岐之室又通作縲易林大過之兌樹潔縲縲  
縲縲難解坤之晉作樹潔累累

申申疊疊層層兩兩雙雙重也

離騷女嬃之嬋媛兮申申其詈予王逸註申申重也漢書

樂志安世房中歌施教申申 梁江淹山中楚辭石筵筵

兮蔽泉雪疊疊兮薄樹 唐白居易望郡南山詩紅綠層

層錦繡斑又費冠卿九華山化成寺記丹素交彩層層倚

空 史記天官書魁下六星兩兩相比 梁陶宏景尋山

誌鷗雙雙而赴水

作作暴暴窸窸窸窸剡剡庚庚頽頽騰騰烝烝遂遂嘔嘔迮迮

起也

史記天官書作作有芒國其昌 荀子富國篇暴暴如丘

山楊倛註暴暴卒起之貌 管子白心篇美哉窸窸註窸

窸與起貌通雅窸窸與窸窸同言興起貌 禮玉藻弁行

剡剡起履註急行欲速身履恆起也陳澧註剡剡身起之

貌 史記文帝紀占曰大橫庚庚余為天王夏啓以光庚

叶居郎切通雅云庚庚猶伉伉也言其盛起之意 晉潘

岳家風詩義方既訓家道穎穎案禮少儀疏穎是穎發之

義 唐書五行志高宗時童謠曰嵩山凡幾層不畏登不



得但恐不得登三度徵兵馬傍道打騰騰唐元稹立部伎  
詩騰騰擊鼓風雷磨又仲子陵五絲續寶命賦龍爛蛇伸  
光氣騰騰爾雅釋訓烝烝遂遂作也註皆物盛作之貌  
邵氏正義魯頌泮水云烝烝皇皇鄭箋烝烝猶進進也祭  
義云陶陶遂遂鄭註相隨行之貌新書容經祭祀之容遂  
遂然皆言起而行也唐張籍春江曲春江無冰水平滿  
江心嘓嘓鼻雞鳴管城碩記云括地志王舍國有靈鷲山  
胡語者闍嘓山山是青石頭似鷲鳥名耆闍嘓也嘓山石  
也張籍詩云云言其水湧江心如山石之嘓嘓也嘓卽嘓  
也案增韻勃起曰嘓起說文迻迻起也從辵作省聲

竦竦聳聳攬攬聳聳嶷嶷聳聳棟棟聳聳根根聳聳擢擢聳聳擎擎聳聳慄慄聳聳耳耳聳聳健聳聳挺也

南朝宋鮑照紹古辭竦竦寒山木竦息拱切音悚與聳同  
采梅堯臣石筍峯詩聳聳煙霧裏唐杜牧念昔遊詩分  
明攬攬羽林槍攬音悚禮部韻略挺也又韓偓紅芭蕉  
賦森森嶷嶷音棟山峯貌與嶷同漢司馬相如上林  
賦崇山直聳聳正韻聳聳高起也梁王筠秋夜詩桂枝行  
棟棟類篇棟色責切音濼木枝上生也唐元結訟木魅  
辭樟根根兮可屈根音郎說文高木也魏母丘儉承露  
盤賦修莖擢擢唐柳宗元雷塘禱雨文擢擢嘉生惟天之



養

又沈亞之聞城開新池記扇荷擎擎

又杜牧郡齋

獨酌詩旌竿標標旗燿燿

宋梅堯臣得餘干李尉書因

以寄題詩南斗夏湖波不起長刀剡峯碧耳耳

晉書五

行志義熙二年小兒相逢於道輒舉其兩手曰盧健健當

時莫知所謂其後盧龍內逼舟艦蓋川健健之謂也其時

復有謠言曰盧橙橙逐水流東風忽如起卽得入石頭盧

龍果敗不得入石頭也案字書無健字當卽健字唐羅隱

題袁溪張逸人所居詩蒲梢健健燕差差案健健一本作

獵獵

偁偁

稱

格格提提舉也

爾雅釋訓偁偁格格舉也註皆舉持物釋文偁本又作稱

案釋言云偁舉也釋詁云格陞也馬融書註陞猶舉也重

言之義同考工記匠人註引詩約之閣閣作格格言縮板

之舉也管子白心篇爲善乎母提提註提提謂有所揚

舉也

跔跔颺颺墜墜也

後漢書馬援傳仰視飛鳶跔跔墜水中註跔跔墜貌也丁

協切音喋漢班固西都賦颺颺紛紛集韻颺颺物自空

墜貌弼角切音霰集韻墜墜上墜貌悉盍切音颯



